



ახალი განათლება

№24 (778) გაიშალა 1998 წლიდან

www.axaliganatleba.ge

გაგზავთ უფლებები

ნიკოლოზ რაჭველი საქართველოში იუნესკოს ელჩი გახდა

გვერდი 3



„ჩემი ძვირფასებო, უხვად ვიღებ თქვენს გულიან მოლოცვებს, ვკითხულობ ჩემდამი სიყვითლი სახე სიყვავებს და გული მეხვება შეუფასებელი სიხაჩელით! გაეხოს ბავშვთა ფონდის ელჩობა ძალიან ჰგავს დიდი დროს. ჩვენს ახ უნდა გახვი მუსიკოსი იყო, ჩვენს ახ უნდა გახვიდეს იცნობდეს მასადას და ბიზნესმენად შეგეძლოს მისი დიდი დროს ახადევი გამოვივა, თუ შენ გახვიდები თავს ახ მოიყიხს ახმის მუსიკოსებისა, ჩვენს შენთან ვითარ ამ დიდებულ ჰმოცესს შეუეხიონ თავიანთი ნიჭი, შიხობა, ჰმოცესიონალიზმი და შემოქმედებითი ენთუზიაზმი. ჩვენს ელჩსაც ახადევი გამოვივა, თუ ვი ბავშვებზე და მათ ეთილიდუობაზე ზეხუნის, მათი უფლებების დაცვის საეხით საქმეში თქვენს ახ შემოიხიდეებით. დიდი იმედი მაქვს, ჩემ თქვენთან ვითარ დავამახყებთ ჩვენს უხი ყიდევ ახებულ სტიგმას შეზღუდული შესაძლებლობების მქონე პატახებისა თუ მოხიცილების მიმართ, დავამახყებთ ძალადობას მოჯახებსა თუ ქეჩებში და ეეთესობისევენ შევცვლით ჩვენი ქვეყნის მომავალს!

უღმესი მადლობა გაეხოს, ბავშვთა ფონდს UNICEF-ს, მის წახმომადგენლობას საქართველოში და თეო ჟოხბენაძეს, ჩემის გამომჩვეული ღვანლი გახდა საფუძველი ასეთი მძღავ-ჩი საეხითაშოხისო მიგანიზაციის მიეხ ჩემდამი გამოსცადებული ნდობისა!

მედამ მიგეული თქვენს სამსახეში ჩემი მუსიკით, ჩემი ყოველი ნუთით, ჩემდესაც მსმენელებზე, ჩემს ქვეყანაში გემოვნების სტანდარტის ამაღლებაზე, მეგობეებზე, ყოლეგებზე, ბავშვებზე და მოხეცებზე ფიქში ვატახებ...“

ნიკოლოზ რაჭველი

ხელმოწერა საყურადღებოდ!
გაზეთ „ახალი განათლების“
რედაქცია, საქვებრიდან, იცვლის
მისამართს:
ნერეთლის გამზ. №126

კონკრეტული

რა პერსპექტივა აქვს არაფორმალური განათლების განვითარებას საქართველოში

გვერდი 2

ინკლუზიური განათლება

შტრიხები პროექტიდან „ფხვი ავუსეოთ ევროკულ ღირებულებებს“

გვერდი 4

ლიტერატურული ტური

გალატეონი და თბილისი



გვერდი 5

საუბრაზე ლიტერატურაზე

ლიტერატურული ინტერპრეტაცია

მხატვრული ნაწარმოების ნაქითხვისათვის

გვერდი 10

კონფერენცია

რა პერსპექტივა აქვს არაფორმალური განათლების განვითარებას საქართველოში

ლალი ჯელაძე

22 ივნისს, არაფორმალური განათლების აღიარების საკითხის აქტუალიზაციისა და არაფორმალური განათლების აღიარებასთან დაკავშირებული საკითხებისა და პერსპექტივების განხილვის მიზნით, კონფერენცია ჩატარდა.

არაფორმალური განათლების (რომლის მიღება სწავლის ნებისმიერ მსურველს შეუძლია საგანმანათლებლო დაწესებულებებში ან მათ მიღმა) მიზანი ოფიციალური სერტიფიკატის ან დიპლომის მიღება არ არის. თუმცა, ამ ფორმატში მიღებული ცოდნისა და უნარების აღიარების მექანიზმების არსებობა ზრდის არაფორმალური განათლების მნიშვნელობას როგორც დასაქმებისთვის, ასევე სწავლის გაგრძელებისთვის ფორმალურ გარემოში და მას განსაკუთრებულ ადგილს ანიჭებს მთელი სიცოცხლის მანძილზე სწავლის კონტექსტში.

არაფორმალური განათლების აღიარების საკითხს დღის წესრიგში აყენებს არა მხოლოდ „პროფესიული განათლების შესახებ“ საქართველოს კანონის პროექტი, არამედ განათლების სფეროს თანამედროვე მიდგომები. მოსალოდნელია ცვლილებები – კვალიფიკაციების მინიჭება მხოლოდ ფორმალური განათლების გზით არ მოხდება.

არსებულ მდგომარეობაზე, მიღწევებსა და გამოწვევებზე ისაუბრა პროფესიული განათლების პოლიტიკის ექსპერტმა, **ანასტასია ქიტიაშვილმა**. მან წარმოადგინა აღიარების მეთოდოლოგია და პილოტირების შედეგები, რომელიც განხორციელდა ათასწლეულის გამოწვევის ფონდი – საქართველოს პროექტში „პროფესიული განათლება ეკონომიკის განვითარებისთვის“.

საქართველოში მიმდინარე პროფესიული განათლების რეფორმის ერთ-ერთი მიზანია პროფესიული განათლების სისტემის საუკეთესო საერთაშორისო გამოცდილებასთან შესაბამისობის უზრუნველყოფა. ამ მხრივ, რეფორმის ერთ-ერთი მნიშვნელოვანი მიმართულებაა არაფორმალური განათლების აღიარების სისტემის ჩამოყალიბება. არაფორმალური განათლების აღიარების კონცეფციისა და მიდგომების საერთო კონტექსტი გათვალისწინებულია საქართველოს კანონში „პროფესიული განათლების შესახებ“ და „პროფესიული განათლების რეფორმის სტრატეგიაში 2013-2020 წწ.“.

თანამედროვე მიდგომის მიხედვით, კვალიფიკაციების მინიჭება მხოლოდ ფორმალური განათლების გზით არ ხდება. დღეისათვის, მეტი აქცენტი კეთდება „არაფორმალური განათლების აღიარებაზე (VNFL)“, რაც კვალიფიკაციებისადმი ფართო მიდგომას გულისხმობს; ეს სცილდება კვალიფიკაციის მოპოვების მიზნით, მხოლოდ ფორმალური განათლების გზით, მიღებული კრედიტების დაგროვებას.

⇒ **ფორმალური განათლება (formal education)** – გულისხმობს პროგრამებსა და კვალიფიკაციებს, რომლებიც შეთავაზებულია ფორმალური განათლების სისტემის ფარგლებში, სკოლებში, კოლეჯებსა თუ უნივერსიტეტებში ზოგადი, საშუალო და უმაღლესი განათლების საფეხურზე.

⇒ **არაფორმალური განათლება (non-formal learning)** – გულისხმობს ისეთ დაფუძვნილ სასწავლო აქტივობებს, რომლებიც ორგანიზებულია ფორმალური განათლების სისტემის გარეშე, მათ შორისაა ზრდასრულთა განათლება და ტრენინგი (სამუშაოსთან დაკავშირებული ტრენინგკურსები, ონლაინ ან დისტანციური სწავლება, ან სათემო განათლება, რომელიც ორგანიზებულია სამოქალაქო საზოგადოების ორგანიზაციების მიერ).

⇒ **თვითსწავლა (informal learning)** – გულისხმობს ისეთ სწავლას, რომელიც არ არის ორგანიზებული ან სტრუქტურირებული; პირი უნარებსა და ცოდნას იძენს დაუგეგმავად ან უნებლიედ, ცხოვრებისა და მუშაობის პროცესში.

არაფორმალური განათლების აღიარება კომპეტენტური ორგანოს მიერ იმის დადასტურებაა, რომ პირის მიერ ფორმალურ, არაფორმალურ გარემოში თუ თვითსწავლის გზით შექმნილი სწავლის შედეგები (ცოდნა, უნარები და კომპეტენციები) წინასწარ განსაზღვრული კრიტერიუმების საფუძველზე შეფასდა და ისინი აკმაყოფილებენ აღიარების სტანდარტების მოთხოვნებს. აღიარება, როგორც წესი, დასტურდება სერტიფიკატით.

არაფორმალური განათლების აღიარების პროცესი და პროცედურები მოიცავს ოთხ ეტაპს: **კომპეტენციების (მაგ.,**

სწავლის შედეგები) **იდენტიფიცირება**, რომელიც პირს შეძენილი აქვს არაფორმალური და თვითსწავლების გზით; პირის სწავლის შედეგების დამადასტურებელი **დოკუმენტების შეგროვება**, შესაბამის მტკიცებულებებთან ერთად; პირის **სწავლის შედეგების შეფასება** წარმოდგენილი მტკიცებულების საფუძველზე და კონკრეტული სწავლის შედეგების მიღწევების **სერტიფიკატით დადასტურება**.

„პროფესიული განათლების რეფორმის ფარგლებში, საქართველოში მთელი რიგი პროცესები მიმდინარეობს, რომლებიც შეიძლება არაფორმალური განათლების აღიარების სისტემის ჩამოყალიბების მნიშვნელოვან ნიშნობად განვიხილოთ“ – ამბობს ანასტასია ქიტიაშვილი და ამ პროცესებს ასახელებს:

⇒ პროფესიული სტანდარტების შემუშავება, რომლებიც პროფესიული კვალიფიკაციის საფუძველია;

⇒ პროფესიული კვალიფიკაციების მოდულური სტრუქტურა; ⇒ აქცენტი სამუშაოზე დაფუძნებულ სწავლებაზე, რომელიც უკავშირდება კომპეტენციებზე დაფუძნებულ ტრენინგსა და შეფასებას;

⇒ პროფესიული განათლების ხარისხის უზრუნველყოფის ჩარჩოს განვითარება, რომელიც შეფასების შიდა და გარე შემოწმებას (ვერიფიკაციას) მოიცავს.

„2013-17 წლების განმავლობაში მომზადდა კონცეფციის დოკუმენტი – „არაფორმალური განათლების აღიარების დახურვა საქართველოში“, რომელიც განსაზღვრავს არაფორმალური განათლების აღიარების სისტემის ჩამოყალიბებისათვის საჭირო მიდგომებსა და ნაბიჯებს; შემუშავდა მეთოდოლოგიის დოკუმენტი და ჩატარდა მეთოდოლოგიური მიდგომების პილოტირება სოფლის მეურნეობისა და საინფორმაციო ტექნოლოგიების სფეროებში. მიმდინარეობს მუშაობა არაფორმალური განათლების აღიარების ნების განახლებაზე. არსებული ნების საფუძველზე (ბრძანება №8, 03.02.2011. განათლებისა და მეცნიერების სამინისტრო), აღიარების გარკვეული გამოცდილება არსებობს ზოგიერთ კოლეჯში. თუმცა, არაფორმალური განათლების აღიარების სისტემის ჩამოყალიბება მოითხოვს ინტეგრირებულ მიდგომას, შესაბამისი მეთოდოლოგიური და ადამიანური რესურსების განვითარებას, ფინანსური რესურსების ორგანიზებას, საუკეთესო პრაქტიკის გამოვლენასა და გაზიარებას, ინფორმირების შესაბამისი სისტემების ჩამოყალიბებას, სოციალური პარტნიორებისა და ზოგადად, დაინტერესებული მხარეების აქტიურ ჩართულობას.“ – ამბობს ანასტასია ქიტიაშვილი.

არაფორმალური განათლების კონცეფციაზე, რომელიც ძალიან პოპულარულია დასავლეთ ევროპისა და მსოფლიოს განვითარებულ ქვეყნებში, საუბრისას, ზრდასრულთა განათლების სპეციალისტი **თეა გულუა** აღნიშნავს, რომ მისი ჩამოყალიბების აუცილებლობა შრომის ბაზრის მოთხოვნებმა გააჩინა, რომელსაც ფორმალური განათლება ვეღარ პასუხობდა. „არაფორმალური განათლება, როგორც კონცეფცია, პირველად, გვიან 80-იანებში გაჩნდა, მაშინ როცა ცხადი გახდა, რომ ფორმალურ განათლებას დამოუკიდებლად აღარ შეეძლო საზოგადოების განვითარება და ვეღარც სწავლის საჭიროებებისა და შრომის ბაზრის მოთხოვნებს პასუხობდა.“

არაფორმალური განათლების კონცეფცია კარგადაა ცნობილი და ძალიან პოპულარულია დასავლეთ ევროპისა და მსოფლიოს განვითარებულ ქვეყნებში. **ბოლო ათწლეულებში ამ კონცეფციის ბუმის პირობებში ვცხოვრობთ. ასეთი ყურადღების მიზეზი იმის გაცნობიერებაა, რომ ფორმალურ განათლებას აღარ შეუძლია შემოგვთავაზოს ის, რაც პიროვნული და პროფესიული განვითარებისთვის გვჭირდება – ამბობს თეა გულუა, – მიუხედავად იმისა, რომ დღეს ჯერ კიდევ ფორმალური სწავლების განვითარება და ვეღარც სწავლის საჭიროებებისა და შრომის ბაზრის მოთხოვნების პროცესში.**

საქართველოც, დამოუკიდებლობის მოპოვების შემდეგ, დიდი გამოწვევების წინაშე აღმოჩნდა. მიუხედავად იმისა, რომ სახელმწიფოს მხრიდან არ მომხდარა ამის პირდაპირი დეკლარირება, არაფორმალური განათლება ახალი ამოცანების გადაჭრის ვალდებულების წინაშე აღმოჩნდა. ძრავის ფუნ-



ქცია, ამ შემთხვევაში, საერთაშორისო თანამეგობრობის/დონორების დახმარებით, უპირველესად, სამოქალაქო საზოგადოებამ – საზოგადოებრივმა ორგანიზაციებმა ითავა.

უკანასკნელი წლების განმავლობაში, არაფორმალური განათლების პოლიტიკის და მისი ელემენტების ფორმირების გზაზე გარკვეული ნაბიჯები გადაიდგა. ამასთან მიმართებაში, უნდა ვახსენოთ პროფესიული განათლების ახალი კანონპროექტი, რომელიც ითვალისწინებს მთელი სიცოცხლის მანძილზე სწავლის (Lifelong Learning) პრინციპებს და ხელს უწყობს, ფორმალურ განათლებასთან ერთად, არაფორმალური, ანუ ინფორმალური განათლების განვითარებას, აღიარების მექანიზმებზე საუბრობს.

საქართველოშიც არაფორმალური განათლების პრიორიტეტი სწორედ მისი შემავსებელი ფუნქციაა, რაც გარემოსთან ადაპტაციასა და შრომის ბაზარზე კონკურენციის ამაღლებას ემსახურება (კომპიუტერული და ინგლისური ენის, ბუღალტერიის, მენარეჟინგისა და მცირე ბიზნესის კურსები, ეთნიკური უმცირესობებისთვის – სახელმწიფო ენის შემსწავლელი კურსები და სხვ). ასეთი განათლების მიღება, საგანმანათლებლო დაწესებულებებში ან მათ მიღმა, შეგიძლია ყველას, ვისაც სწავლა გვსურს. მიუხედავად იმისა, რომ შესაძლოა ჩვენი მიზანი არ იყოს ოფიციალური სერტიფიკატის ან დიპლომის მიღება, ამ ფორმატში მიღებული ცოდნისა და უნარების აღიარების მექანიზმების არსებობა ზრდის არაფორმალური განათლების მნიშვნელობას როგორც დასაქმებისათვის, ასევე შემდგომი სწავლის გაგრძელებისათვის უკვე ფორმალურ გარემოში.“

როგორია არაფორმალური განათლება უნივერსიტეტებში, როგორ თანამშრომლობს უნივერსიტეტი არაფორმალური განათლების მიმწოდებლებთან – ამ საკითხებს მოიცავდა აკაკი წერეთლის სახელმწიფო უნივერსიტეტის რექტორის **გიორგი ღაფთაძის** პრეზენტაციის თემა.

კონფერენციის მონაწილეებს არაფორმალური განათლების სისტემის განვითარების ხედვა არაფორმალური განათლების მიმწოდებელმა, კონსულტაციისა და ტრენინგის ცენტრის აღმასრულებელმა დირექტორმა, ირინა ხანთაძემ გააცნო. მისი აზრით, მნიშვნელოვანია ხარისხის უზრუნველყოფის მკაფიო და გამჭვირვალე მექანიზმების არსებობა, აუცილებელია განათლების ამ სექტორის მიმართ ნდობის ჩამოყალიბებისათვის. „მე, როგორც არაფორმალური განათლების მიმწოდებელი, დავამატებ იმასაც, რომ ეს ინიციატივა, ასევე, ხელს შეუწყობს არაფორმალური განათლების მიმწოდებელთა გაძლიერებას და, ზოგადად, ხარისხის ზრდას“ – აღნიშნა მან.

არაფორმალური განათლების აღიარების სისტემის ჩამოყალიბება და დავაგვიძლია ცვლილებებზე, სისტემის დონეზე, ისაუბრა განათლების ხარისხის განვითარების ეროვნული ცენტრის კვალიფიკაციების განვითარების სამმართველოს უფროსმა, **ნინო ბერელიძემ**, ხოლო მუნიციპალიტეტის დონეზე არაფორმალური განათლების მხარდაჭერის ინიციატივებზე – თბილისის მერიის განათლების, სპორტის, ახალგაზრდულ საქმეთა სამსახურის წარმომადგენელმა, **გოგი ჩიქოვანმა**.

კონფერენცია დისკუსიით დასრულდა, რომელშიც მონაწილეობდნენ გადაწყვეტილების მიმღები პირები, არაფორმალური განათლების მიმწოდებლები, საერთაშორისო და ადგილობრივი განათლების ექსპერტები.

კონფერენცია ევროკავშირის მიერ დაფინანსებული „საქართველოს აგრობიზნესის ფორმალური, არაფორმალური და ინფორმალური პროფესიული განათლების განვითარების პროექტის“ ფარგლებში ჩატარდა. პროექტი ხორციელდება ჩეხური ორგანიზაციის „ადამიანი გაჭირვებაში“ – PIN (People in Need) მიერ, კონსულტაციისა და ტრენინგის ცენტრთან – CTC პარტნიორობით.

როგორც ორგანიზატორებმა აღნიშნეს, არაფორმალური განათლების აღიარების სისტემის ჩამოყალიბების გზაზე კონფერენციამ შესაძლებლობა მისცა მონაწილეებს ერთმანეთსთვის გაეზიარებინათ და შეეჯერებინათ პოზიციები. კონფერენციის მიზანია სწორედ არაფორმალური განათლების აღიარების საკითხის აქტუალიზაცია და მასთან დაკავშირებული საკითხებისა და პერსპექტივების საჯარო განხილვა იყოს.



გაგნობა უფლებები

ნიკოლოზ რაჭველი საქართველოში იუნისეფის ელჩი გახდა

ლალი ჯელაძე

26 ივნისს, საგანგებო ღონისძიებაზე, ნიკოლოზ რაჭველს, კომპოზიტორს, დირიჟორსა და საქართველოს ეროვნული სიმფონიური ორკესტრის სამხატვრო ხელმძღვანელს, საქართველოში გაეროს ბავშვთა ფონდის (იუნისეფის) ელჩის ნიშნად მიენიჭა. მის საქმიანობაში განსაკუთრებული ადგილი დაეთმო ადვოკატირებას, შეზღუდული შესაძლებლობის მქონე ბავშვთა უფლებების დაცვისა და ბავშვთა მიმართ ძალადობის აღმოფხვრის მიზნით.

„მოხარულები ვართ, რომ ნიკოლოზ რაჭველი შემოუერთდა იუნისეფის გუნდს, მის მხარდაჭერებსა და ელჩებს – აღნიშნავს ლალია ომარ გადი, გაეროს ბავშვთა ფონდის წარმომადგენელი საქართველოში – იგი აქტიურად თანამშრომლობს გაეროს ბავშვთა ფონდთან, ბოლო წლების განმავლობაში, ბავშვთა უფლებების შესახებ საზოგადოების ინფორმირების მიზნით, გვეხმარება კიდევ უფრო ფართო ფენებს მისწვდეს ჩვენი გზავნილი, რომ ყველა ბავშვი უნდა სარგებლობდეს თანაბარი უფლებებით და იყენებდეს საკუთარ პოტენციალს სტიგმისა და ძალადობისგან თავისუფალ გარემოში. იმედი გვაქვს, ნიკოლოზ რაჭველის ძალისხმევა კვლავ დაგვეხმარება ადვოკატირებასა და საზოგადოების ცნობიერების ამაღლებაში, რომ საქართველოში დაცული იყოს ბავშვების უფლებები.“

„ჩემთვის ეს პატივია და უდიდესი პასუხისმგებლობა. ყველაფერს გავაკეთებ საქართველოში ყველაზე დაუცველი ბავშვების უფლებების ადვოკატირებისთვის.“ – ამბობს იუნისეფის ელჩი საქართველოში.

ელჩის ამტკიცება იგი დაეხმარება იუნისეფს შეზღუდული შესაძლებლობის მქონე ბავშვთა უფლებების დაცვასა და იმ ნეგატიური სოციალური ნორმების შეცვლაში, რომლებიც ხელს უწყობს ბავშვთა მიმართ ძალადობას.

ნიკოლოზ რაჭველი, 2014 წლიდან, ეხმარება გაეროს ბავშვთა ფონდს და კონცერტებისა და საჯარო გამოსვლების საშუალებით ცდილობს შეზღუდული შესაძლებლობის მქონე ბავშვების მხარდაჭერას და საზოგადოების ინფორმირებას ბავშვთა უფლებების შესახებ. წელს ნიკოლოზმა აქტიური მონაწილეობა მიიღო იუნისეფის საკომუნიკაციო კამპანიაში „დაინახე ყველა ფერი“, რომლის მიზანია შეზღუდული შესაძლებლობის მიმართ არსებული სტიგმის აღმოფხვრა.

„სტატუსის გარეშე, მე და ჩემი მეგობრები, არაერთ კამპანიაში ვიყავით ჩართულები, რომლებიც ბავშვებს უკავშირდებდა და რომლებიც გაეროს ბავშვთა ფონდის ინიციატივით ხდება საქართველოში. მაგრამ, როცა უკვე სტატუსი გავქვს, პასუხისმგებლობაც გაცილებით დიდია. უფრო ღრმად დამოკიდებულია და გაცნობიერება იმისა, თუ რა შეგიძლია გააკეთო ჩვენი ქვეყნის ბავშვების მომავლისთვის.“ – ამბობს იუნისეფის ელჩი საქართველოში.

გაეროს ბავშვთა ფონდი აფასებს ხელოვანთა კავშირს „კონცეპტ-არტ“, საქართველოს ეროვნული სიმფონიური ორკესტრის, ცნობილი ხელოვანების – ნინო მაჩაიძის, ლიზა ბათიაშვილის და დავით აღღაშვილის მონაწილეობას იუნისეფის საკომუნიკაციო კამპანიაში „დაინახე ყველა ფერი“.

იუნისეფის ელჩები, მთელ მსოფლიოში, თავიანთ შესაძლებლობებსა და აღიარებას იყენებენ იმისათვის, რომ საზოგადოებისა და მთავრობების ყურადღება მიაპყრონ ბავშვთა უფლებების დაცვას და თავიანთი წვლილი შეიტანონ ბავშვთა მდგომარეობის გაუმჯობესების საქმეში.

დენი ქეი პირველი იყო, ვინც 1954 წელს მიიღო საეთაშორისო ელჩის ნიშანი; მან მსოფლიოს მრავალ ქვეყანაში, მათ შორის განვითარებად ქვეყნებში, იმოგზაურა, რათა გაეცნობინა ინფორმაცია ბავშვთა უფლებებზე. ამ საქმეს ის გარდაცვალებამდე, 1987 წლამდე, აგრძელებდა და დაამკვიდრა მნიშვნელოვანი სტანდარტები გაეროსა და იუნისეფის კეთილი ნების მომდევნო ელჩებისთვის. შემდეგ მას შეუერთდნენ ოდრი ჰეპბერნი და სხვ. ამჟამად არსებობს სრულიად გამორჩეული სია საერთაშორისო, რეგიონული და ეროვნული ელჩებისა.

იუნისეფის კეთილი ნების ელჩები არიან საქვეყნოდ ცნობილი მსახიობები და გამორჩეული ნიჭის ადამიანები: ქეთილი პერი, სერენა უილიამსი, ლიამ ნისონი, ნოვაკ ჯოკოვიჩი, დევიდ ბექჰემი, ჰარი ბელაფონტი, ორლანდო ბლუმი, ვუპი გოლდბერგი, ლეო მესი, რიკი მარტინი, შაკირა, ვანესა რედგრევი, სუზან სარანდონი, მია ფეროუ, სერჯიო რამოსი, ფრანჩესკო ტოტი, კლაუდია შივერი, ევან დასაქებისა და ცხოვრების უკეთესი პირობები მხოლოდ საზღვარგარეთაა.

მისი აღმატებულება იორდანის დედოფალი რანია, მსოფლიო ბავშვთა გულმოდგინე და გამოკვეთილი დამცველი, 2007

გაეროს ბავშვთა ფონდის ელჩები

რიკი მარტინი unicef-ის კეთილი ნების ელჩია და აქტიურად დააჩაბული ბავშვთა სექსუალური და შრომითი ექსპლუატაციის წინააღმდეგ ბრძოლის კამპანიაში: „მე მუშაობა ცხრა წლის ასაკში დაიწყე, მაგრამ ეს ჩემი არჩევანი იყო, – განაცხადა რიკი მარტინმა, – ამ ბავშვებს არა აქვთ არჩევანის შესაძლებლობა. ისინი იძულებით ხდებიან მონობის მსხვერპლი. ბავშვების ტრეფიკინგი გლობალური პრობლემაა, რომელიც ძალიან ბევრ ბავშვს შეეხო. ზოგიერთი მონაცემის მიხედვით, წელიწადში, ტრეფიკინგის მსხვერპლთა რაოდენობა ბავშვებში 1.2 მილიონს აღწერს. ხშირ შემთხვევაში, ბავშვები და მათი ოჯახის წევრები ვერ აცნობიერებენ ტრეფიკინგის საშიშროებას, რადგან ჰგონიან, რომ დასაქმებისა და ცხოვრების უკეთესი პირობები მხოლოდ საზღვარგარეთაა.“

მისი აღმატებულება იორდანის დედოფალი რანია, მსოფლიო ბავშვთა გულმოდგინე და გამოკვეთილი დამცველი, 2007



წლის იანვარში, დაინიშნა unicef-ის პირველ ბავშვთა საპატიო დამცველად.

დედოფალი რანია, დიდი ხნის განმავლობაში, მნიშვნელოვან მხარდაჭერას უწევდა unicef-ს და მის პროგრამებს იორდანისა და მთელ მსოფლიოში. ის თან ახლდა unicef-ს პაკისტანში მიწისძვრით დაზარალებულთა დასახმარებლად, ინდოეთის სასწავლო ცენტრებში, არგენტინის, ბრაზილიისა და მაროკოს სკოლებში, რათა მხარი დაეჭირა ყველა ბავშვის, განსაკუთრებით, გოგონების ხარისხიანი განათლებით უზრუნველყოფისთვის.

დედოფალი რანია ცნობილია თავისი საჯარო მოწოდებებით, ყოველთვის, როდესაც ბავშვთა უსაფრთხოებას საერთაშორისო კრიზისი ემუქრება. ამის მაგალითად შეიძლება მოვიყვანოთ მისი საჯარო მოწოდებები 2008 წლის დაზარალებულთა კონფლიქტთან დაკავშირებით: „ჩვენი ადამიანობა არასრულწლოვანი ხდება, როდესაც ბავშვები, განურჩევლად ეროვნული წარმომავლობისა, სამხედრო ოპერაციების მსხვერპლი ხდებიან.“

იორდანიაში დედოფალმა, როგორც საოჯახო საქმეთა ეროვნული საბჭოს პრეზიდენტმა, შეიმუშავა ბავშვთა საკითხების გადამწყვეტი მიმართული ეროვნული სამუქმელო გეგმა, რომლის მიზანია მათი ცხოვრების დონის გაუმჯობესება ჯანდაცვის, ზოგადი განათლების და ძალადობის, ექსპლუატაციისა და დაცვის უზრუნველყოფის გზით.

ბავშვების განათლების შესაძლებლობის ზრდის ხელშეწყობის მიზნით, მან ასევე დაინიშნა სპეციალური პრემია თავის სამშობლოში. 2007 წელს კი, დაიწყო „მადრასატის“ განხორციელება, რაც გულისხმობს საჯარო სკოლების რეაბილიტაციას საჯარო, კერძო თუ არაკომერციული ორგანიზაციების ერთობლივი ძალისხმევით. ის ჩართულია იორდანის საგანმანათლებლო ინიციატივაში, რომელიც 2003 წელს დაიწყო და წარმოადგენს ინოვაციურ ინტერნეტსწავლების პროგრამას, რომელიც ხელს უწყობს განათლების შესაძლებლობების ზრდას, ეფექტური ტექნოლოგიების გამოყენებით. ეს ინიციატივა ახლო აღმოსავლეთის სხვა ქვეყნებშიც გადაიღეს.

მსოფლიოში ცნობილი მომღერალი შაკირა მახარაკი იუნისეფის კეთილი ნების ელჩად 2003 წლის 24 ოქტომბერს დაინიშნა. მას სწამს, როგორც ხელოვანს, შეუძლია ხელი შეუწყოს საზოგადოების ცნობიერების ამაღლებას ადამიანის უფლებების საკითხებში: „მიმანია, რომ მოვალე ვარ, ვისარგებლო შესაძლებლობებითა და პოპულარობით, რომელიც არტისტულმა კარიერამ მომიტანა, რათა ხალხის ყურადღება მივაპყრო რეალურ პრობლემებს რეალურ სამყაროში და შევიტანო წვლილი მათი გადაჭრის რეალური გზების პოვნაში. დარწმუნებული ვარ, დედაჩემი უფრო მიმზიდველი გახდება საცხოვრებლად, თუ ყოველი ჩვენგანი იტივრებს პასუხისმგებლობას სხვის ბედზე.“

შაკირამ დააფუძნა ფონდი „Pies Descalzos“, რომელიც მის მშობლიურ კოლუმბიაში ეხმარება ადგილობრივ და მარგინალურ ბავშვებს არსებობის განათლების მიღებაში. საგანმანათლებლო აქტივობების შექმნაზე მიმართული პროექტების გარდა, ფონდი ბავშვებს უზრუნველყოფს საკვებით და დამატებითი საგანმანათლებლო საქმიანობებით ხელოვნების, მუსიკის და რეკრეაციულ სფეროში. ასევე, ოჯახებს უქმნის ეკონომიკურ შესაძლებლობებს. გარდა ამ ფონდისა, შაკირა დამფუძნებელია ასევე „Barefoot“ ფონდის (რომელიც მსოფლიო მასშტაბით მუშაობს განათლების უნივერსალურ ხელმისაწვდომობაზე) და თანადაფუძნებელი – ALAS-ისა, რომელიც იზიარებს, როგორც ლათინოამერიკელი მომღერლებისა და ბიზნესმენების მოძრაობა, რომელიც ადრეული ასაკის ბავშვების განვითარებაზე მუშაობს.

როგორც კეთილი ნების ელჩმა, შაკირამ, საჯარო მოხსენებების, თანხების მოძიებაში მონაწილეობის და unicef-ის ეროვნული კომიტეტის ეგიდით განხორციელებული სხვა საქმიანობების მეშვეობით, ხელი შეუწყო unicef-ის საქმიანობის პოპულარიზაციას და მოსახლეობის ცნობიერების დონის ამაღლებას ისეთ საკითხებში, როგორიცაა HIV/შიდსი, განათლება და ბავშვის დაცვა.

ფეხბურთის ბრიტანელ ვარსკვლავს, დევიდ ბექჰემს მილიონობით გულშემატკივარი ჰყავს მთელ მსოფლიოში. 2005 წლის 10 იანვარს, ინგლისის გუნდის ყოფილი კაპიტანი დაინიშნა unicef-ის კეთილი ნების ელჩად, სპორტის განვითარების პროგრამის ფარგლებში. ბექჰემმა unicef-ის ელჩობა მაშინ დაიწყო, როცა „მანჩესტერ იუნაიტედის“ საფეხბურთო კლუბში თამაშობდა. 1999 წლის ნოემბერში, გუნდმა „unicef იუნაიტედის“ სახელით დაიწყო თანამშრომლობა გაერთიანებული სამეფოს კომიტეტთან, რათა მოეზიდა თანხები unicef-ისთვის და გაეცნობინა მის მისიასთან დაკავშირებული ინფორმაცია. ბექჰემი და მისი გუნდის წევრები აქტიურად ჩაერთვნენ unicef-ის კამპანიაში და თანხების მოძიების საქმიანობებში, განათლებისა და რეკრეაციული პროგრამების ჩამოსაყალიბებლად, რაც მოიცავდა ბავშვებისთვის ფეხბურთის თამაშის შესაძლებლობას მთელ მსოფლიოში.

ნობით გულშემატკივარი ჰყავს მთელ მსოფლიოში. 2005 წლის 10 იანვარს, ინგლისის გუნდის ყოფილი კაპიტანი დაინიშნა unicef-ის კეთილი ნების ელჩად, სპორტის განვითარების პროგრამის ფარგლებში. ბექჰემმა unicef-ის ელჩობა მაშინ დაიწყო, როცა „მანჩესტერ იუნაიტედის“ საფეხბურთო კლუბში თამაშობდა. 1999 წლის ნოემბერში, გუნდმა „unicef იუნაიტედის“ სახელით დაიწყო თანამშრომლობა გაერთიანებული სამეფოს კომიტეტთან, რათა მოეზიდა თანხები unicef-ისთვის და გაეცნობინა მის მისიასთან დაკავშირებული ინფორმაცია. ბექჰემი და მისი გუნდის წევრები აქტიურად ჩაერთვნენ unicef-ის კამპანიაში და თანხების მოძიების საქმიანობებში, განათლებისა და რეკრეაციული პროგრამების ჩამოსაყალიბებლად, რაც მოიცავდა ბავშვებისთვის ფეხბურთის თამაშის შესაძლებლობას მთელ მსოფლიოში.

ელჩად დაინიშნის პირველივე დღეებში, ბექჰემი ეწვია იუნისეფის კონკრეტული მარაგების (რეზერვების) განყოფილებას, რათა ენახა, თუ რა კეთდებოდა 2004 წლის ინდოეთის ოკეანის ცუნამის მიერ დაზარალებული ბავშვების დასახმარებლად.

ბექჰემი, ასევე, შეუერთდა კამპანიაში „გავერთიანდეთ ბავშვებისთვის, გავერთიანდეთ შიდსის წინააღმდეგ“ და, მის ფარგლებში, მონაწილეობა მიიღო მთელ რიგ სარეკლამო კლიპში. გარდა ამისა, ამ კამპანიის მხარდასაჭერად, დევიდმა და მისმა მეუღლემ, ვიქტორია ბექჰემმა იუნისეფი შეარჩიეს მათ მიერ, 2006 წლის 21 მაისს, ორგანიზებული საქველმოქმედო საღამოს ბენეფიციარად.

unicef-ის მხარდაჭერ საქმიანობებს შორის მნიშვნელოვანია ბექჰემის ვიზიტი სიერრა ლიონეში 2008 წელს. ის მხარს უჭერდა unicef-ის 2008 წლის მსოფლიოს სახელმწიფოების ანგარიშს ბავშვთა დაცვის სფეროში, რომელშიც, ძირითადად, ბავშვების სიკვდილიანობა იყო აქცენტირებული.

ცნობილი მსახიობი და მატერიალური ხელოვნების ექსპერტი ჯეკი ჩანი, UNICEF-ის და UNAIDS-ის კეთილი ნების ელჩად 2004 წლის აპრილში, კოლუმბიაში ვიზიტის დროს, დაინიშნა.

როგორც კეთილი ნების ელჩი, იგი აქტიურად უჭერს მხარს HIV/შიდსის წინააღმდეგ მიმართულ კამპანიაში, აქტიურად უპირისპირდება სტიგმასა და დისკრიმინაციას, რომელიც თან ახლავს ამ პრობლემას და რომლის შედეგადაც განსაკუთრებით მძიმედ იმკიან ბავშვები.

2004 წელს პირველად ეწვია კამბოჯას, სადაც გაეცნო unicef-ის მიერ დაფინანსებულ HIV/AIDS-ის მატარებელ და ნაღმზე აფეთქებულ ბავშვთა რეაბილიტაციასა და გათვითცნობიერების ამაღლებაზე მიმართულ პროექტებს. იმყოფებოდა ქალაქებში, რომლებიც ჯერ კიდევ დანაღმულია და დიდ საფრთხეს წარმოადგენს ადგილობრივი ბავშვებისა და მათი თემისათვის. ჩანი უშუალოდ შეხვდა HIV/AIDS-ის მატარებელ ბავშვებსა და ახალგაზრდებს.

2005 წლის იანვარში, ინდოეთის ოკეანის სანაპიროზე ცუნამის შემადარწმუნებელი კატასტროფის შემდეგ, ჩანმა პირადი წვლილი შეიტანა მისი შედეგების ლიკვიდაციის პროცესებში, ნახევარი მილიონი ჰონ-კონგის დოლარის ოდენობით (დაახლოებით 64 000 აშშ დოლარი) შემოწირულობა გაიღო.

კამბოჯაში დაბრუნებულმა, გააგრძელა ქვეყანაში არსებული ნაღმების შესახებ მოსახლეობის გათვითცნობიერების დონის ამაღლებაზე მიმართული კამპანია. ამ ვიზიტისას, მას თან ახლდა ოლიმპიური თამაშების ოქროს მედლის მფლობელი დევიდ მისისი, რომელიც ადგილზე გაეცნო unicef-ის დახმარებით განხორციელებულ საგანმანათლებლო პროექტებს ნაღმების აღმოჩენისა და განაღმების სფეროში.

ამავე მისიის ფარგლებში, ჩანი, unicef-თან ერთად, ეწვია ვიეტნამს, HIV/AIDS-ით ინფიცირებული ბავშვების მიმართ თანაგრძობის გამოხატვის აუცილებლობის შესახებ ინფორმაციის გავრცელების მიზნით. იგი იმყოფებოდა ვიეტნამის ერთ-ერთ პროვინციაში, სადაც HIV-ით ინფიცირებულია ყველაზე მაღალი მაჩვენებელია, პირადად ესაუბრა ბავშვებს და მათი ოჯახის წევრებს, რომლებიც „ემპათიის“ კლუბის რეგულარული წევრები არიან.

ინკლუზიური განათლება

შტრიხები პროექტიდან „ფეხი ავწყობთ ევროკულ ღირებულებებს“

ქუთაისის №8 საჯარო, წყალტუბოს მუნიციპალიტეტის სოფელ მუხიანის შალვა ნიშნიანიძის სახელობისა და ბაღდათის მუნიციპალიტეტის სოფელ ნითელხევის ტარიელ კვიციანი-კაშვილის სახელობის საჯარო სკოლების (დირექტორები: **თეა ჩხეტი, მამუკა ქვაჩაიძე, ნინო კოტორეიშვილი**) სპეციალური მასწავლებლები: **მზია ზარნაძე, იზოლდა აფრიდონიძე** და **მარინე იოსებაშვილი**, მრავალჯერადი შეხვედრისა და აზრთა ურთიერთშეჯერების საფუძველზე, ჩავერთეთ ერთობლივ კვლევით პროექტში „ფეხი ავწყობთ ევროკულ ღირებულებებს“ (ინკლუზიური განათლება და საზოგადოება).

პირველ ეტაპზე, ჩვენს მიზანს წარმოადგენდა გაცნობიერებით სკოლების მატერიალურ-ტექნიკურ ბაზებს, რესურსოთახებსა და სსმ მოსწავლეთა სასწავლო გარემო პირობებს; შეგვესწავლა საზოგადოებრივი აზრი სსმ მოსწავლეთა საჯარო სკოლებში სწავლების შესახებ, ამ მიზნით შევეჯეროდით ქალაქისა და სოფლის მონიშნულ ადამიანებს, გავსაუბრებოდით სკოლების დირექტორებს, პედაგოგებსა და მშობლებს, მოგვეწყო ერთობლივი გასვლითი ღონისძიებები და ა.შ.

მეორე ეტაპზე, მიზნად დავისახეთ, ევროკული ქვეყნების მონიშნულ გამოცდილებების მაგალითზე, საზოგადოებისათვის დაგვეჩვენებინა, თუ როგორი ურთიერთობა უნდა გვექონდეს ასეთ ბავშვებთან. გვეჩვენებინა მათთვის, რომ ცივილიზებულ ქვეყნებში, აღნიშნული საკითხისადმი, არ აქვს ადგილი დისკრიმინაციულ მიდგომას და ჩვენ, ქართველებს, თუკი გვინდა უფრო მოსვენება და ევროპის დიდი ოჯახის კავშირის ნევერობა, უნდა გავხედოთ თანაზიარი ევროკავშირის სხვადასხვა მისწრაფებებისა და მიმართულებების, მათ შორის ადამიანის უფლებათა დაცვის.

დასახული ამოცანის განსახორციელებლად, პროექტში „ფეხი ავწყობთ ევროკულ ღირებულებებს“ ჩართულმა მეგობარმა სკოლებმა მოვაგზავნეთ განაცხადი, პროექტის დაწყების თარიღად განვსაზღვრეთ 2015 წლის 10 ნოემბერი, დამთავრების თარიღად კი – 2017 წლის 10 ივნისი. სულ პროექტის მიმდინარეობა 19 თვით გაიწერა. მოქმედების არეალად, როგორც უკვე აღვნიშნეთ, დავადგინეთ ქუთაისის №8, ბაღდათის მუნიციპალიტეტის სოფელ ნითელხევისა და წყალტუბოს მუნიციპალიტეტის სოფელ მუხიანის საჯარო სკოლები. განისაზღვრა პროექტის მოსარგებლეთა რიცხვი, პროექტის მიმდინარეობაზე პასუხისმგებელი პირები და მათი საკონტაქტო ინფორმაცია. აღვნიშნეთ პროექტის პრობლემა, განვსაზღვრეთ მიზანი, დავისახეთ ამოცანები. პროექტის სწორად და ორგანიზებულად წარმართვისათვის შევადგინეთ სამოქმედო გეგმა. სამიზნე სკოლებში ვაჩვენეთ კინოფილმები, ჩავატარეთ ლექცია-საუბრები პედაგოგებთან და მოსწავლეებთან.

პროექტის ფარგლებში, ურთიერთობა დავამყარეთ იმერეთის რეგიონის დღის ცენტრებთან; ქუთაისის სახელმწიფო ისტორიული მუზეუმის საგამოფენო დარბაზში, შშმ პირთა საერთაშორისო დღისადმი მიძღვნილი, შშმ მოსწავლეთა ნამუშევრების გამოფენა-გაყიდვა მოვანწყვეთ, რომელშიც, პროექ-

ტში მონაწილე სკოლების გარდა, აქტიურად ჩავერთეთ ქუთაისის განათლების განვითარებისა და დასაქმების ცენტრი, თერჯოლისა და სამტრედიის შშმ ბავშვთა დღის ცენტრები. მათ თავიანთი ახალგაზრდების ნამუშევრები წარმოადგინეს.

შშმ პირთა საერთაშორისო დღისადმი მიძღვნილი ექსპოზიციის ფოტო და ვიდეოგადაღების გარდა, მომზადდა გამოფენის ამსახველი სლაიდშოუ და განთავსდა სკოლის ბლოგზე – 8skolakutaisi.blogspot.com.

2016 წლის იანვარში, წინასწარ შემუშავებული გეგმის შესაბამისად, ჩავატარეთ სამიზნე სკოლების ადმინისტრაციის, პედაგოგიური და მშობელთა კოლექტივების ანკეტური გამოკითხვა. გამოკითხვა 200-ზე მეტი რესპონდენტი. სამუშაო პროცესი დაფიქსირებულია ფოტომასალებში. აპრილში დასრულდა სამიზნე სკოლებში ჩატარებული გამოკითხვის შედეგების მონიტორინგი. შედეგებმა ყოველგვარ მოლოდინს გადააჭარბა. განსაკუთრებით ეს ითქმის სამიზნე სკოლების ადმინისტრაციების მიმართ, რომლებმაც ინკლუზიური განათლების ცოდნის მაღალი ხარისხი გამოავლინეს. სასიამოვნოა, რომ მათ დაგვეჩვენა მიიტანონ ინკლუზიური განათლების თანამედროვე მოთხოვნები მასწავლებელთა და მშობელთა კოლექტივებამდე. უნდა აღინიშნოს ისიც, რომ მასწავლებელთა და მშობელთა უმრავლესობა, გამართული სწავლებისათვის, მოითხოვდა აუდიო-ვიდეო და კომპიუტერულ ტექნიკას, ტრენინგების ჩატარების აუცილებლობას, შშმ ბავშვთა დღის ცენტრებთან თანამშრომლობას და მათი გამოცდილების გაზიარებას.

მაისში, სამიზნე სკოლებში, ჩატარდა გეგმით გათვალისწინებული სამოდული ადაპტირებული გაკვეთილები, რომლებსაც ესწრებოდა სკოლების ხელმძღვანელობა და ინდივიდუალური სასწავლო გეგმის შემუშავებელი ჯგუფი. მათ ადაპტირებული სამოდული გაკვეთილები დადებითად შეაფასეს.

7 და 9 ივნისს, პროექტის მიმდინარეობის ფარგლებში, მუხიანის საჯარო სკოლაში, გაიმართა ჯერ „ანბანის ზეიმი“, ხოლო შემდეგ – სსმ მოსწავლეთა ნამუშევრების გამოფენა;

3 ნოემბერს პარტნიორმა სკოლებმა მოვანწყვეთ საჯარო დასწრება ქუთაისის „ნიღბების თეატრი“. ამ საინტერესო დღის ამსახველი სლაიდშოუ განთავსდა ჩვენი სკოლის ბლოგზე;

8 დეკემბერს, ბაღდათის მუნიციპალიტეტის ნითელხევის საჯარო სკოლაში, პროექტის ფარგლებში, სსმ პირთა უფლებათა დაცვის საერთაშორისო დღისადმი მიძღვნილი ღონისძიება ჩატარდა;

16 იანვარს, ქუთაისის №8 საჯარო სკოლაში, განხორციელდა პროექტის „ფეხი ავწყობთ ევროკულ ღირებულებებს“ კიდევ ერთი აქტივობა – „სიკეთე ვადავლებია“. ერთ-ერთმა სსმ მოსწავლემ (პირობითად, დეარქეთ X მოსწავლე) თავისი ხელით შესრულებული ნახატების გამოფენით, გაახარა მთელი სკოლა. მის მიერ გაკეთებულმა „სიკეთემ“ ნაყოფი გამოიღო, თუკი X ერთი პატარა რგოლი იყო სიკეთის ჯაჭვში,



დღეს უკვე მე-8 სკოლაში, X-ის გვერდით სიკეთის მკეთებელი „სხვა რგოლებიც“ გამოჩნდნენ. თითქოს მათ ისმინეს არქიმანდრიტ გაბრიელის სიტყვები: „იმისთვის ხარ ამ ქვეყნად, რომ რაც შეიძლება ბევრი სიკეთე აკეთო“ და აი, სიკეთის კეთება გაგრძელდა: ქუთაისის №8 საჯარო სკოლის მერვეკლასელებმა X-ს საჩუქრად მოუტანეს საკუთარი ხელით რუდუნებით ნაკეთები, მუყაოსგან დამზადებული და მხატვრულად გაფორმებული, ანბანის ასოები. მათი ნაკეთები სიკეთე სხვა-საც გადავადო – ახლა მე-10 კლასმა გამოიჩინა თავი. მოსწავლეებმა – **ანა ლოსაბერიძემ, სალომე გოტიაშვილმა და ლიკა ხეცურიანმა** – სპეციალურად დაამზადეს სტენდი „ჩვენი ობსერვატორია“, თავისი პირობითი ნიშნებით. X-მა გაიხარა, ყოველდღიურად, სიხარულით ავსებდა საჭირო გრაფებს ამინდის შესაბამისი პირობითი ნიშნებით.

პროექტის ფარგლებში განსახორციელებელი ღონისძიების – „სიკეთე ვადავლებია“ შესახებ მომზადდა სლაიდშოუ და განთავსდა ბლოგზე.

მარტში, პარტნიორმა სკოლებმა ჩავატარეთ სამოდული გაკვეთილები, რუბრიკით – „ჩვენ ვსწავლობთ ერთად“.

10 ივნისს კი პროექტი დასრულდა და 16 ივნისს პროექტის ცხრამეტოვანი მიმდინარეობის საბოლოო შედეგების მონიტორინგი და საანგარიშო შეხვედრა გაიმართა. შეხვედრაზე პროექტში ჩართულმა სპეცმასწავლებლებმა აღნიშნეს, რომ ერთობლივ პროექტზე მუშაობა ძალიან სასარგებლო იყო, რადგან კვლევითი პროექტის ფარგლებში განხორციელებულმა ღონისძიებებმა ახლოს მიგვიყვანა სსმ მოსწავლეების ირგვლივ არსებულ პრობლემებთან, დაგვანახა გადაუდებელი საჭიროებები: აუცილებელია სკოლებში მონესრიგდეს ადაპტირებული სველი წერტილები; გაიმართოს პანდუსები, მაგრამ მათ არ უნდა ჰქონდეს მხოლოდ საჩვენებელი დატვირთვა; გამოიყოს სტანდარტების შესაბამისი რესურსოთახები, რომლებიც უნდა აღიჭურვოს ადაპტირებული ავეჯით, აუდიო-ვიდეო და კომპიუტერული ტექნიკით; საკლასო ოთახებში შეიქმნას ინკლუზიური სწავლებისათვის საჭირო გარემო პირობები; გადაამზადდნენ სკოლის ადმინისტრაცია და პედაგოგები; საუბრები ჩაუტარდეთ მოსწავლეთა მშობლებს.

დარწმუნებული ვარ, ეს გზა დაეხმარება ინკლუზიური განათლების სწავლების პროცესის წარმატებულად წარმართვას იმ საჯარო სკოლებში, სადაც ამ უკანასკნელის დაწერვას აფერხებს მასწავლებლების თუ მშობლების წინააღმდეგობა.

მზია ზარნაძე
სსმ-ქალაქ ქუთაისის №8 საჯარო სკოლის პედაგოგი



ინფორმაცია

განათლების სამინისტრო Job Fest-ზე

საქართველოს განათლებისა და მეცნიერების სამინისტრომ ახალგაზრდების დასაქმების ფესტივალში – Job Fest მიიღო მონაწილეობა. სამინისტროს წარმომადგენლებმა სამუშაოს მაძიებელ სტუდენტებს უწყებაში სტაჟიორებისთვის განკუთვნილი ვაკანტური ადგილები გააცნეს და პროფესიული საგანმანათლებლო პროგრამებისა და პროვაიდერების შესახებ ინფორმაცია მიანოდეს. საუბარი შეეხო პროფესიული განათლების როლსა და მნიშვნელობას, როგორც დასაქმებისკენ მიმავალ უმოკლეს გზას.

Job Fest – ახალი შესაძლებლობა ახალგაზრდების დასაქმებისთვის. ფესტივალში მონაწილეობდნენ 18-დან 29 წლის ჩათვლით ასაკის ახალგაზრდები, უმაღლესი და პროფესიული სასწავლებლების სტუდენტები და კურსდამთავრებულები. პირველად, ამ სეგმენტისთვის 80-მდე დამსაქმებელმა (სახელმწიფო და კერძო სექტორი) 900-ზე მეტი ვაკანსია წარმოადგინა.

ფესტივალის მიზნად ისახავს: დამსაქმებლების და სამუშაოს მაძიებელი ახალგაზრდების დაკავშირებას. სპეციალურად Job Fest-ისთვის, სოციალური მომსახურების სააგენტოს ვებპორტალზე – www.worknet.gov.ge – შეიქმნა ახალი სოფტი, რომლის მისამართია www.jobfest.ge. რეგისტრაციის პროცესი 14 ივნისს დაიწყო და 24 ივნისს 24.00 სთ-ზე დასრულდა. რეგისტრაცია 2300-მდე სამუშაოს მაძიებელმა ახალგაზრდამ გაიარა. Job Fest-ში მონაწილე კომპანიებისა და მათი ვაკანსიების შესახებ ინფორმაცია განთავსდა www.studentjob.ge-ზე, სამუშაოს მაძიებლებს საშუალება ჰქონდათ წინასწარ გაცნობოდნენ ვაკანსიებს, რომ ფესტივალზე გამარტივებულად უკვე შეეჩულ კომპანიებთან დაკავშირება და გასაუბრება.

ახალგაზრდების დასაქმების ფესტივალში Job Fest შრომის, ჯანმრთელობისა და სოციალური დაცვის სამინისტროს, ქალაქ თბილისის მერიისა და არასამთავრობო ორგანიზაცია HR hub-ის ორგანიზებით გაიმართა.



ლიტერატურული ტური

გალაკტიონი და თბილისი

მაკა ყიფინი

ელექტრონული წიგნების სახლის „საბა“ და „არტარეას“ ინიციატივით, დაიწყო ახალი პროექტი, რომელიც „ქალაქი - ბიბლიოთეკის“ ფარგლებში ხორციელდება. აღსანიშნავია, რომ პროექტი ხორციელდება სპორტისა და ახალგაზრდობის საქმეთა სამინისტროს, სსიპ ბავშვთა და ახალგაზრდობის განვითარების ფონდის მხარდაჭერით.

პირველი ტური - „გალაკტიონი და თბილისი“ - 24 ივნისს განხორციელდა. გალაკტიონის ხიდთან შეკრებილი ახალგაზრდები, პოეტ რატი ამალაშვილს შეხვდნენ და მასთან ერთად, გალაკტიონის სახლ-მუზეუმს ეწვივნენ, სადაც ტურის პირველი მონაწილე სტუმარი, იმავდროულად მასპინძელი, პოეტი ვახტანგ ჯავახიძე ელოდებოდათ. ახალგაზრდებს საშუალება ჰქონდათ, მისგან მოესმინათ: რა როლს ასრულებდა XIX-XX საუკუნეების მიჯნაზე, თბილისისა და ქუთაისის კლასიკური გიმნაზიები ქართულ ლიტერატურაში; როგორი იყო საქართველოს დამოუკიდებლობის სამი წელი და მე-20 საუკუნის კულტურა. ბატონმა ვახტანგმა ისაუბრა გალაკტიონის ცხოვრების, მოღვაწეობისა და პოეზიის შესახებ, გასაბჭოებამდე და გასაბჭოების შემდეგ, ასევე, გაიხსენა გალაკტიონის დღემდე უცნობი ისტორიები, საინტერესო ამბები და მოგონებები.

პროექტის „ქალაქი - ბიბლიოთეკა“ იდეა ეკუთვნის ელექტრონული წიგნების სახლის „საბა“-ს. მისი განხორციელება თბილისის მერიასთან და პრეზიდენტის ფონდთან ერთად დაიწყო. პროექტის მიზანია თბილისის სხვადასხვა ადგილებში უფასო ელექტრონული ბიბლიოთეკების განთავსება, თბილისელებისა და დედაქალაქის სტუმრებისთვის ასობით ელექტრონული წიგნის საჩუქრად გადაცემა.

„ქალაქი - ბიბლიოთეკა“ სოციალურ-საგანმანათლებლო პროექტია, რომელიც ნებისმიერ მსურველს აძლევს შესაძლებლობას, უფასოდ, მომენტალურად ჩატივითოს „საბას“ ელექტრონული წიგნები თავის სმარტფონში, აპლიკაცია Saba Reader-ში და საჩუქრად მიიღოს მრავალფეროვანი პირადი ბიბლიოთეკა. კერძოდ, პროექტის ფარგლებში, თბილისში არსებულ მწერლების სახელობის ქუჩებზე, სახლ-მუზეუმებთან, ბიბლიოთეკებთან, პარკებში, მეტრო-პოლიტენში, პანთეონებთან და მონუმენტებთან ორიგინალური კონსტრუქციები - „საბას“ ელექტრონული ბიბლიოთეკები, რომელზეც, ქუჩის/მედიის მანიშნებელთან ერთად, განთავსებულია ელექტრონული წიგნები. მათზე დაბეჭდილი QR კოდის საშუალებით კი, ნებისმიერ მსურველს შეუძლია წიგნის ჩამოტვირთვა საკუთარ ტელეფონში Saba Reader აპლიკაციაში, მათი ნაკითხვა ინტერნეტის გარეშე შესაძლებელი.

რატი ამალაშვილი: „არტარეასთან ერთად, ელექტრონული წიგნების სახლი „საბა“, პროექტ „ქალაქი - ბიბლიოთეკის“ ფარგლებში, ვინცერთ ახალ ცოცხალ ტურებს. დღეს ვარ გიდი და პროექტს ვინწყობ, ბუნებრივია, გალაკტიონთან - „გალაკტიონი და თბილისი“, რადგან გალაკტიონი არის ის გასაღები, რომელიც მთელ ქართულ ლიტერატურას ალღებს, მას უპყრია ხელთ ეს გასაღები. პოეტის სახლ-მუზეუმში გველოდება ცოცხალი ლეგენდა, ადამიანი, რომელიც იცნობდა გალაკტიონს, მასთან ერთად მუშაობდა, პოეტი ვახტანგ ჯავახიძე, რომელმაც, შეიძლება ითქვას, მთელი თავისი ცხოვრება მიუძღვნა გალაკტიონს. მან დაწერა წიგნი გალაკტიონზე - „უცნობი“, რომელიც არ ისწავლებოდა სკოლებში. თუ კარგი მასწავლებლები იყვნენ, ეუბოძებდნენ გვიყვებოდნენ მისი ცხოვრებიდან. ძალიან დიდი მადლობა მინდა გადავუხადო ბატონ ვახტანგს მასპინძლობისთვის, გალაკტიონის უბადლო მკვლევარს, ამდენწლიანი შრომისთვის და სიყვარულისთვის, რომელიც მას პოეტთან აკავშირებდა. მადლობა იმისთვის, რასაც ჰქვია მესხიერება - გალაკტიონი, რომელიც უამრავი რამ, მთელი საქართველო იყრის თავს. ამ მესხიერებას იცავს ბატონი ვახტანგი, როგორც რაინდი, ამდიდრებს და მოაქვს ჩვენამდე, იმის მიუხედავად, რომ ძალიან მნიშვნელოვანი რეფორმატორი პოეტი ქართული პოეზიის ისტორიაში, თავის პოეზიას აკლებს დროს სხვისი პოეზიის ხარჯზე, ეს ასმავად დასაფასებელია.

XIX საუკუნე ვერ იქნებოდა ისეთი, რომ არა თბილისის პირველი კლასიკური გიმნაზია, სწორედ მის კედლებში გამოავლინა უამრავმა ადამიანმა საკუთარი შესაძლებლობები. აღმოსავლეთ საქართველოს ინტელექტუალთა პირდაპირი დაკავშირებული პირველ კლასიკურ გიმნაზიასთან, გრიგოლ ორბელიანის, სოლომონ დოდაშვილის, ტატო ბარათაშვილის, შემდგომ 60-იანელების - ილია ჭავჭავაძის და სხვა მრავალის სახით. ხოლო XX საუკუნის ახალი ტალღა, ახალი ძალა, ეს არის ქუთაისის კლასიკური გიმნაზია. როდესაც ნაიკითხავთ იმ ადამიანების ჩამონათვალს, ვინც აქ სწავლობდა, დაინახავთ მთელ მოოცე საუკუნეს, მის კულტურას. გალაკტიონიც ამ კულტურის ნაწილია, უმნიშვნელოვანესი წარმომადგენელი წინა კულტურებისა და ახალი XX საუკუნის კულტურის, ახალი ენის. ამიტომ მნიშვნელოვანია ჩვენთვის გალაკტიონი არა მხოლოდ, როგორც ლირიკული პოეტი, ლირიკული გმირი, რომელიც XX საუკუნეში ცხოვრობდა, არამედ პოეტი, რომელიც მოქმედებს ენაში, ენიდან ცვლის მენტალობას, გრძნობებს და გაცდებს. თუ როგორი იყო პოეტის ყოფაცხოვრება, შემოქმედება ჩვენს ქალაქში - თბილისში, ამაზე სასაუბროდ მოვიხივებთ ბატონი ვახტანგ ჯავახიძე, იქ, სადაც გალაკტიონი ცხოვრობდა და წერდა, თუნდაც:

„თქვენ გენატრებათ ლოჟა, პარტერი. თქვენ გინდათ გახდეთ მილიარდელი. მე კი ვარჩევდი გზას უნაპიროს, ცოტა სიყვარულს და ღერ პაპიროს“.

სოფო ხუნწარია, ტელეკომპანია „არტარეას“ დირექტორი: „ჩვენი ინიციატივა იყო „ქალაქი - ბიბლიოთეკა“ და საბას პროექტი, რომელიც უკვე ერთი წელია დაიწყო. საკმაოდ საინტერესო პროექტია, მთელ ქალაქს მოიცავს და უფასოდ ჩუქნის წიგნებს ყველა მსურველს. ვისაც აქვს მობილური, ნებისმიერ ადგილზე შეუძლია წაიკითხოს წიგნი. ამ პროექტის ფარგლებში, ვიფიქრეთ, რომ ერთობლივად გავგვეკეთებინა ლიტერატურული ტურები. ამ ინიციატივის განხორციელებაში დაგვეხმარა ბავშვთა და ახალგაზრდობის ფონდი. დღეს პირველი ტურია. სულ 12 ტური გვექნება, ამ ტურებში ჩაერთავთ მუზეუმებს, სხვადასხვა ქუჩაზე, ფსადებთან ვაიმართება საუბრები ამა თუ იმ მწერლის შესახებ. ვფიქრობ, „არტარეას“ და „საბას“ მომხმარებლისთვის იქნება საინტერესო, რეალურად შეეხონ ისტორიას, ლიტერატურას და ახლებურად გაიაზრონ ის, რაც ჩვენ ვარშემო საუკუნეებია ინახება“.

ირინა ჯავახიძე, ელექტრონული წიგნების სახლის „საბა“ დირექტორი: „ქალაქი - ბიბლიოთეკა“ ინიციატიური პროექტია, რომელიც მერიისა და პრეზიდენტის ადმინისტრაციის დახმარებით განხორციელდა. ქალაქის 300 ნერტილში განთავსებულია სტენდები, სადაც, ახალი ტექნოლოგიების QR კოდის მეშვეობით, ნებისმიერ მომხმარებელს შეუძლია თავის სმარტფონში ჩამოტვირთოს როგორც ხმოვანი, ისე ელექტრონული წიგნები და ატაროს თან. წიგნები თემატურადაა შერჩეული, მაგალითად, გალაკტიონის ტექსტები მოცემულია როგორც გალაკტიონის ქუჩაზე, ასევე ჭავჭავაძეზე, სადაც მან თავი მოიკლა. ქუჩების გარდა, სტენდები QR კოდებით მოცემულია ცენტრალურ სკვერებსა და ბალებში, შემდეგი ეტაპი ამ ლიტერატურის რევიონებში გადატანაა, იგეგმება იგივეს განხორციელება ბათუმსა და ქუთაისში“.

ვახტანგ ჯავახიძე: „მე ვიცნობდი გალაკტიონ ტაბიძეს! ის იმდენად მარტოსული გახლდათ, იმდენად თავისებური და განსხვავებული, რომ მასთან დაახლოება და გაშიხურება, მისი გაცნობა და ბოლომდე შეცნობა შეუძლებელი იყო. მასზე საუბარი უსასრულოდ შეიძლება... გალაკტიონი თბილისში 1918 წელს ჩამოვიდა და ჩამოიტანა თავისი წიგნი „არტისტული ყვავილები“, რომელიც 1919 წელს გამოცა. თბილისში საკუთარი ბინა არ ჰქონდა. 1939 წლამდე ცხოვრობდა სხვადასხვა პიროვნებებთან, მწერალთა კავშირის სახლში, ჩუდეციკისთან, ვახტანგ კოტეტიშვილის ოჯახში, ოკუჯავებთან... 6 წელიწადი ცხოვრობდა, ოლასთან ერთად, კრლოვის ქუჩაზე, 12 კვადრატულ მეტრ ოთახში. შემდეგ გადავიდა ამ ბინაში. შენობა, რომელიც ვიმყოფებით, აშენდა 1935 წელს, აშენა ბანკმა მწერლებისთვის და ამიტომ ბანკის სახლს უწოდებდნენ. პირველ სართულზე ქიმიური ლაბორატორია იყო განთავსებული, ზედა სართულებზე კი 10 მწერალი შემოასახლეს. ამ სახლში გალაკტიონმა 24 წელიწადი იცხოვრა. ბევრი მწერალი მალე გადავიდა და უკეთესი ბინები მიიღეს, მაგრამ გალაკტიონი ბოლომდე დარჩა აქ, უკეთესის მოლოდინში. გოგებაშვილის ქუჩაზე აშენდა დიდი სახლი მწერლებისთვის, მაგრამ როცა ბინების განაწილების დრო მოვიდა, გალაკტიონი არავის გახსენებია. ამ სახლში გალაკტიონის მეუღლემ, ოლია ოკუჯავამ, მხოლოდ ერთი წელი იცხოვრა, ის აქედან წაიყვანეს და უკან აღარ დაბრუნებულა.“

გალაკტიონის სამსახური იშვიათად ჰქონდა, მთელი ცხოვრება თბილისის ქუჩებში ხეტილში გაატარა. დილით, როგორც სამსახურში წასასვლელად ემზადებოდა ადამიანები, ასე ემზადებოდა თბილისის ქუჩებში სახეტილოდ. ბევრი თბილისელი შეხვედრია მას. მეც ბევრჯერ ავდეგენებოვარ. როგორც ჩანანერებში წერს, ძალიან სიამოვნებდა, რომ ამჩნევდნენ. გალაკტიონი ინტელიგენტებს თვალს არიდებდა, უბრალო ხალხთან, განსაკუთრებით ახალგაზრდებთან გამოლაპარაკება უყვარდა. ოლია ოკუჯავა იგონებს, როდესაც გალაკტიონი ცულ ხასიათზე იყო, ყოველთვის მიდიოდა ილია ჭავჭავაძის სახლის მოსანახულელებად.

ამ სახლში ცხოვრობდა გიორგი ქუჩიშვილი, რომელთანაც მეგობრობდა. ერთხელ გალაკტიონს უთქვამს ოლგა დარიუსის დისშვილისთვის: მაგას არ გაეკაროთ, ეგ ლოთიაო. კი მაგრამ, თქვენ ლოთი არ ხართო? არაო, გაკვირვებით უთქვამს. სხვათა შორის, გალაკტიონი ალაგ-ალაგ იყო ლოთი. ბევრი შემთხვევებია აღწერილი, როცა სუფრაზე არ სვამდა, მაგრამ თუ რამე ეწყინებოდა და გულს ატკენდნენ, აი, მაშინ იწყებდა სმას და მდგომარეობიდან მხოლოდ სამედიცინო ჩარევის შემდეგ გამოდიოდა. გალაკტიონის მეგობარი არ ჰყავდა, არც სტუმარი ჰყოლია და არც სტუმრად წასვლა უყვარდა. ახლო ურთიერთობა ჰქონდა ტერენტი გრანელთან, იმიტომ, რომ გალაკტიონიც ქუჩაში ცხოვრობდა და ტერენტიც, ხშირად ხვდებოდნენ ერთმანეთს, მეინახები იყვნენ ერთმანეთის. ტერენტიმ კარგად იცოდა გალაკტიონის ფასი. ერთხელ, გაბრაზებულმა, გაუბედა და უთხრა, ხომ ვარ შენზე დიდი პოეტიო, - კი ძამიკო, ხარ ჩემზე დიდი პოეტიო - უპასუხია, ამას სხვას არავის ეტყოდა გალაკტიონი.

ამჟამად გალაკტიონის სამი ძეგლი დგას საქართველოში - ქუთაისში, ჭყვიშში და თბილისში, ლირსშესანიშნავ ადგილას მთაწმინდა, მიქაძის ძეგლი. გალაკტიონის აღიარება მისი გარდაცვალების შემდეგ დაიწყო, რასაც ოცნებობდა, თითქმის, ყველაფერი აუსრულდა. ის იყო თვითშეცნობილი გენია. უცნაური იყო როგორც შემოქმედებით, ასევე პირადი ცხოვრებით. ამის დასტურია ერთი შემთხვევა - 1937 წელს, სოფელ ჭყვიშში, თავის საკუთარ სახლში ჩასულმა, ფანჯარაზე არილი დაინახა - მზის სხივები, მივიდა და კოცნა დაუწყო. ამის დანახვაზე დედამისს გული წასვლია.

გალაკტიონი მთელი ცხოვრება სიკვდილისთვის ემზადე-



ბოდა და განახორციელა კიდევ თავისი ჩანაფიქრი 1959 წლის 17 მარტს.

თენგიზ მირზაშვილის (ჩუბჩიკას) სახლში გაჩნდა იდეა, რომ გალაკტიონის თვითმკვლელობის ადგილას, სადაც პოეტი დაეცა, დაგვედო ქვა და გავგვეკეთებინა წარწერა... 2010 წლის 17 მარტს, ამ ადგილას, გავხსენით გალაკტიონის ობელისკი. ასეთი პოეტი საუკუნეში მხოლოდ ერთხელ იბადება. გალაკტიონმა უმდიდრეს ცხრაკლიტულებს მორაგო გასაღები და პოეტური აზროვნების უმაღლეს ნეტარებას გვაზიარა. ბევრი საიდუმლო ამოგვისხსნა და კითხვის ნიშნებიც ბლომად დაგვიტოვა“.

თავისუფლება თავისუფალ გაკვეთილებზე ენის შესწავლის ერთ-ერთი საშუალება

„ცოდნა მხოლოდ მაშინ არის ნამდვილი ცოდნა, როცა იგი საკუთარი გონების დაძაბვითაა შექმნილი და არა მარტო დამახსოვრებით.“
ლევ ტოლსტოი

ნებისმიერი საგნის მასწავლებელი, პირველ რიგში, ხელს უწყობს მოსწავლის თავისუფალ და მოაზროვნე პიროვნებად ჩამოყალიბებას, ამისთვის „თავისუფალი გაკვეთილები“ ერთ-ერთი საუკეთესო საშუალებაა, განსაკუთრებით ენის სწავლებისას.

თავისუფალი გაკვეთილი გულისხმობს ისეთ გაკვეთილს, როცა მოსწავლეები საუბრობენ და მსჯელობენ, კითხულობენ და წერენ მათ მიერვე შერჩეულ საინტერესო თემებსა და საკითხებზე, იმაზე, რაც აინტერესებთ და რაც არ არის სახელმძღვანელოში, ან არის და სიღრმისეულად უნდათ, შეისწავლონ. თავისუფალი გაკვეთილები მოსწავლეთა ინტერესებისა და სურვილების გათვალისწინებას, მრავალი აქტივობის შესრულებას გულისხმობს, ავითარებს როგორც რეცეფციულ (მოსმენა, კითხვა), ასევე პროდუქტიულ უნარ-ჩვევებს (ლაპარაკი, წერა).

ერთ-ერთი სასწავლო გეგმით, საგნის-

თავისუფალი გაკვეთილების თემა მრავალფეროვანია, ეს შეიძლება იყოს: პრეზენტაციის მომზადება, გამომეტყველებითი კითხვა, როლური თამაშები, ინტერვიუ, ავთენტური სიტუაციები, პროექტის მომზადება, ფილმის გადაღება, გაკვეთილის სტუმარი და სხვ.

თავისუფალი გაკვეთილის თემას თვითონ მოსწავლეები ირჩევენ და მიზანსაც თვითონ განსაზღვრავენ (გააჩნია მოსწავლის ასაკს და ენის ფლობის დონეს), მასწავლებელი მხოლოდ გეზის მიმცემია. თემის შერჩევისას, თუ რამდენიმე მოსწავლის შერჩეული თემა ერთმანეთს დაემთხვა, მათ შეიძლება ჯგუფში იმუშაონ სურვილისამებრ და შემდეგ პრეზენტაცია თავისუფალ გაკვეთილზე გააკეთონ. თუ მოსწავლეთა სურვილები ერთმანეთს არ დაემთხვა, მაშინ რიგითობას იცავენ და თემაზე დამოუკიდებლად მუშაობენ. მართალია, პრეზენტაციას ჯგუფი ან ერთი მოსწავლე აკეთებს, მაგრამ დასახელებულ თემაზე სხვა მოსწავლეებიც მუშაობენ, რომ დას-

ვან კითხვა, უპასუხონ დასმულ კითხვას, გამოთქვან საკუთარი აზრი და, საჭირო შემთხვევაში, ჩაერთონ დისკუსიაში.

შეფასება

თავისუფალ გაკვეთილზე ნიშანი არ ინერგება. მოსწავლე არ ფიქრობს შეფასებაზე, რაც ათავისუფლებს შიშისგან, რომ დაშვებული შეცდომების გამო ნიშანი დააკლებდნენ. ამიტომ მოსწავლეები უფრო თავისუფლად გამოთქვამენ საკუთარ მოსაზრებასა და შეხედულებებს, ხალისით ერთგებიან გაკვეთილში, უფრო შინაარსზე ფიქრობენ, ვიდრე გრამატიკულ შეცდომებზე. მათი ცოდნა განმავითარებელი შეფასებით ფასდება, რაც საფუძველია განმსაზღვრელი შეფასებისა.

თავისუფალი გაკვეთილი – საკომუნიკაციო საშუალება

მართულ სასწავლო პროცესში ლექსიკის, გრამატიკის, მოსმენის და ლაპარაკის, კითხვის უნარ-ჩვევების გავარჯიშება ხდება და ყველაფერი გეგმის მიხედვით მიმდინარეობს, ყველაფერს თავის ადგილი აქვს. თავისუფალი გაკვეთილი მოსწავლეებს შესაძლებლობას აძლევს, ენა გამოიყენონ ინფორმაციის გადაცემის, გაზიარების და ურთიერთგაგების საშუალებად, საკომუნიკაციო კონტექსტში ლაპარაკის უნარ-ჩვევების გასავითარებლად ისე, რომ რეალურ სიტუაციაში შეძლონ კომუნიკაცია შესასწავლი ენის მატარებელ ადამიანთან სხვადასხვა საკითხზე. როცა მოსწავლე სასაუბროდ ირჩევს თემას „ფეხბურთი“, ისე ემზადება, რომ შეძლოს შესასწავლ ენაზე მოლაპარაკე ადამიანთან ამ თემაზე საუბარი, შეძლოს საუბარი საყვარელ გუნდზე და საყვარელ ფეხბურთელზე, დასვას კითხვა და უპასუხოს დასმულ შეკითხვას.

დაგეგმილი და დაუგეგმავი გაკვეთილები

თავისუფალი გაკვეთილი შეიძლება იყოს დაგეგმილი და დაუგეგმავი და, აქედან გამომდინარე – მოსწავლეთა აქტივობაც. „მასწავლებლის როლი სწორედ ისაა, რომ მან კარგად უნდა იცოდეს, მოსწავლის რა ძალები როდის განეწყობიან სამოქმედოდ და სასწავლო პროგრამა მას დააფუძნოს,“ – წერს დიმიტრი უზნაძე. და თუ მოსწავლე თავად ირჩევს შესასწავლ საკითხს, ეს იმას ნიშნავს, რომ უკვე განწყობილია სამოქმედოდ. ზოგჯერ, შეიძლება, მოსწავლეთა არჩეული ესა თუ ის საკითხი წინ უსწრებდეს მათი განვითარების დონეს, ბევრად იყოს დაშორებული, მაგრამ უზნაძის აზრით, სხვაგვარად წინსვლა შეუძლებელი იქნება.

ჯ. დიუნის მიაჩნია, რომ სწავლა უფრო ეფექტური იქნება, თუ ის დაეფუძნება მოსწავლეთა შეკითხვებს, ინტერესებს და საჭიროებებს. ამის საშუალებას კი თავისუფალი გაკვეთილები იძლევა.


თავისუფალ გაკვეთილზე ხომ ბავშვი იმას სწავლობს, რაც აინტერესებს და სწავლობს ქართულად, საუბრობს, მას არავინ აიძულებს. თავისუფალ, დამოუკიდებელ პიროვნებად იზრდება, თავისუფლება აქვს თემის, პარტნიორის შერჩევაში (წყვილური და ჯგუფური მუშაობის დროს), აცნობიერებს პასუხისმგებლობას მიღებულ გადაწყვეტილებაზე. ყველა მოსწავლე ერთგვარ საუბარში, სვამს შეკითხვას, გამოთქვამს საკუთარ აზრს, განიცდის სიხარულს აქტივობის პროცესში და შედეგის მიღებისას.

მოსწავლის ადგილი კლასში

თუ ჩვეულებრივ გაკვეთილზე მოსწავლეს განსაზღვრული აქვს თავისი ადგილი კლასში და ზოგჯერ მკაცრადაც, თავისუფალ გაკვეთილზე მას შეუძლია, თავისი სურვილით, აირჩიოს ადგილი, დაჯდეს, სადაც უნდა და ვისთანაც უნდა, რაც ათავისუფლებს მას შემოქმედებისაგან.

პრაქტიკული გამოცდილებიდან

სწორად ხდება, რომ ჩვეულებრივ გაკვეთილზე ნამოყენებული პრობლემა თავისუფალ გაკვეთილზე გრძელდება და მთავრდება. მაგალითად, ნოდარ დუმბაძის „ველადოსის“ სწავლისას, მე-7 კლასში, მოსწავლეებმა შეირჩია სურეს ჯემალსა და იანგულზე, იმაზე, თუ რა არის სამშობლო და შემდეგ თხზულებებიც დაწერეს – „ჩემი სამშობლო“, რომელიც თავისუფალ გაკვეთილზე წაიკითხეს.



ასევე მოხდა „ანა ფრანკის დღიურის“ შესწავლისას. თავისუფალი გაკვეთილისთვის შეარჩიეს თემები: „წერილები ანა ფრანკს“ და „არა ომს!“ გიორგის ტრაგედიის გამომხატურება იყო თემა – „არა კაც კლა!“ თავისუფალ გაკვეთილებზე მოსწავლეებმა შეიძლება იმდერონ, იცეკონ, დახატონ, ლექსი წაიკითხონ, რაც ხელს უწყობს ენის შესწავლას. მაგალითად, მესამე კლასში შეისწავლეს სიმღერა-ცეკვა „ცანკანა და გოგონა“. თავისუფალ გაკვეთილზე დაიგეგმა პროექტი – ფილმის გადაღება სოფლის ექიმზე – „ჩვენი იმედი“. მას დამთავრებული აქვს თბილისის სამედიცინო ინსტიტუტი და კარგად საუბრობს ქართულად. პროექტის ერთ-ერთი მიზანი იყო მოსწავლეთა ქართულად საუბარი ექიმთან.

ბავშვებს ძალიან მოსწონთ თავისუფალი გაკვეთილები და დევიზიც კი შეურჩიეს: „ვილაპარაკოთ, რაზეც გვინდა, ვილაპარაკოთ, ოღონდ ქართულად ვილაპარაკოთ!“ თუმცა, თავისუფლებასაც აქვს საზღვრები და ეს უნდა ვასწავლოთ ჩვენს მოსწავლეებს.

თამაშები

თავისუფალ გაკვეთილებზე ძალიან მოსწონთ თამაშები, რომლის დროსაც მთლიანად იხსნებიან, კარგავენ მორიდების გრძნობას და „უშიშრად“ საუბრობენ ქართულ ენაზე.

ავთენტური სიტუაცია

დაუგეგმავად ხდება ავთენტური სიტუაციების გათამაშება. ეს ხელს უწყობს ისეთი უნარების განვითარებას, რომ მოსწავლეებმა შეძლონ გაუმკლავდნენ მოულოდნელ გამოწვევებს, რომლებიც ხვდებიან სკოლაში და შეხვდებიან ცხოვრებაში.

ყველა ბავშვი ერთნაირი არ არის, მათ აქვთ განსხვავებული მეხსიერება, ნიჭი და, აქედან გამომდინარე, პიროვნული თავისუფლებები. მასწავლებლის მოვალეობაა აღმოაჩინოს ეს ნიჭი და განუვითაროს, ასწავლოს კარგის და ცუდის გარჩევა. რაც შეეხება ქართული ენის სწავლას, თავისუფალი გაკვეთილები ამის ერთ-ერთი საუკეთესო საშუალებაა. ვასწავლოთ ბავშვებს თავისუფლების ფასი – ვასწავლოთ ქართული ენით.

წაწერილი მიხანაშვილი

სიბი-ნიონინის მუნიციპალიტეტის სოფელ განდის რუსთაველის სახელობის №2 საჯარო სკოლის ქართული ენის კონსულტანტი მასწავლებელი

- გამოყენებული ლიტერატურა:**
- 1) ჯონ დიუი – „სკოლა და საზოგადოება“, 2013წ, მასწავლებელთა პროფესიული განვითარების ცენტრი;
 - 2) დიმიტრი უზნაძის პედაგოგიკური კონცეფცია, 2013წ, მასწავლებელთა პროფესიული განვითარების ცენტრი;
 - 3) მარია მონტესორის პედაგოგიკური კონცეფცია, 2013წ, მასწავლებელთა პროფესიული განვითარების ცენტრი;
 - 4) მაია ინასარიძე, „თავისუფალი გაკვეთილების შესახებ: საერთაშორისო გამოცდილება“, ჟურნალი „მასწავლებელი“, 2017წ, 2.
 - 5) მაია ჯალიაშვილი, „ურთიერთსწავლების ხიბლი“ – მასწავლებლის წიგნი, 2016 წ.



სასკოლო აქტივობა

ლია კარის დღე

სკოლა არა მხოლოდ მნიშვნელოვან როლს თამაშობს მოსწავლის განვითარებასა და აკადემიურ მიღწევებში, არამედ, ეფექტიანობის შემთხვევაში, სრულიად ანეიტრალურ სოციალური გარემოს უარყოფით გავლენას მის აკადემიურ შედეგზე. წყალტუბოს №1 საჯარო სკოლის დირექცია (დირექტორი - ფილოლოგიურ მეცნიერებათა კანდიდატი ფაქიზო ფანჩულიძე-კუჭავა, მოადგილე - დალი სილაგაძე), ამიტომაც ანიჭებს ამ ფაქტორს გადამწყვეტ მნიშვნელობას - მასწავლებლის როლი, სერიოზული დამოკიდებულება საგნისა და მოსწავლისადმი წარმატებული სკოლის გარანტია. ამისი ნათელი მაგალითი იყო ღია კარის დღე, რომელიც შინაარსიანი, დატვირთული და რაც მთავარია, შედეგიანი გამოდგა.

კვირეული დაწყებითი განათლების კათედრამ გახსნა. II კლასში (მასწავლებელი - ირმა გურგუნიძე) ჩატარდა ინტეგრირებული (ქართული/ბუნება) გაკვეთილი თემაზე: „დროის ფასი“, ზღაპრის ავტორი - ჭაბუა ამირეჯიბი; II კლასში (მასწავლებელი - თეა

ჭუმბურიძე) ჩატარებული ინტეგრირებული გაკვეთილის თემა იყო „კოდალების თავსამკაული“, ავტორი - თამარ ადამია.

ჩვენი სკოლა, უკვე რამდენიმე წელია, ჩართულია საქართველოს დაწყებითი განათლების პროექტ G-PriED-ში, ვნერგავთ ინოვაციურ მეთოდებს, მოსწავლეზე ორიენტირებულ ეფექტურ სასწავლო სტრატეგიებს. აქედან გამომდინარე, ღია კარის დღე წარმოუდგენელი იყო „ჯიპრაიდული“ გაკვეთილების გარეშე. IV კლასში (მასწავლებელი - ლელა ჩირგაძე), სამფაზიანი მოდელით, ჩატარდა გაკვეთილი ქართულ ენაში, თემა - შალვა თაბუკაშვილის „ჯილდო“; III კლასში (მასწავლებელი - მარინა ქარქაშაძე) მათემატიკაში - „შევაგროვოთ მონაცემები“; IV კლასის მოსწავლეებმა (მასწავლებელი - ნანული სილაგაძე) საინფორმაციო ტექსტზე იმუშავეს; III კლასში (მასწავლებელი - იამზე წულუკიძე) საინფორმაციო ტექსტი - „ცმანვილები ჭალაში“ დაამუშავეს სამფაზიანი მოდელით; გოდერძი ჩოხელის „ტყის ქათამი“ იყო VI კლასში ჩატარებული „ჯიპრაიდული“ გაკვე-



თილის თემა (მასწავლებელი - დარეჯან ლაჭყებანი), VI კლასში მანანა წულაიამ ჩატარა ინტეგრირებული გაკვეთილი (მათემატიკა/ისტ) თემაზე - „სვეტოვანი და წრიული დიაგრამები“.

ვეთილების დაგეგმვაში, ერთმანეთს გაეუზიარეთ ტრენინგებზე მიღებული ცოდნა-გამოცდილება და სასურველმა შედეგამაც არ დააყოვნა.

საბაზო საფეხურზე სამოდულო გაკვეთილები ჩატარდა: VIII კლასში (მასწავლებელი - ფიქრია გიორგენიძე) გაკვეთილის თემა „პიტაგორის მმართველობა გერმანიაში“; VII კლასში (მასწავლებელი - ქეთევან ჯიქია) ინტეგრირებული (ქართული/რუსული) გაკვეთილი თემაზე - „ზმნის რაობა“.

ეს დღე დაგვირგვინდა II კლასის ლონისძიებით - „იაკობ გოგებაშვილი - ჩვენი მზე, ჩვენი დარია“ (მასწავლებლები - აზა ნაფცვარიძე, მაკა ჟორჯოლიანი). პირველი კლასის მოსწავლეებმა სტუმრები, მშობლები და პედაგოგები კიდევ ერთხელ გავამოგზაურეს დედენის ჯადოსნურ სამყაროში, წაიკითხეს ლექსები, წარმოადგინეს მინიატურები, შეასრულეს სიმღერები, იცეკვეს, შექმნეს საოცრად თბილი და სასიამოვნო გარემო.

როგორც ჩვენი, ასევე სხვა სკოლების პედაგოგებმა წარმატებით გავიარეთ მასწავლებელთა და სკოლის დირექტორთა პროფესიული განვითარების სამი მოდული: მოსწავლეზე ორიენტირებული; სწავლება და შეფასება; სასწავლო პროცესის პოზიტიური მართვა და მზაობა პროფესიული განვითარებისათვის. მასწავლებლებმა მშვენივრად გაართვეს თავი მოდულს, რაც სამოდულო გაკვეთილების ჩატარების დროსაც გამოიკვეთა. მიუხედავად იმისა, რომ ტრენინგების მსმენელები საბუნებისმეტყველო, მათემატიკისა და ინგლისური ენის კათედრის მასწავლებლები იყვნენ, ყველა კათედრა, ახალი სქემის შესაბამისად, აქტიურად ჩაება გაკ-

სტუმრებმა მადლობა გადაუხადეს სკოლის ადმინისტრაციას ასეთი მშვენიერი დღის ორგანიზებისათვის, დადებითად შეაფასეს ყველა აქტივობა, მიიღეს პასუხი საინტერესო კითხვებზე და ჩვენთან თანამშრომლობის სურვილი გამოთქვეს.

დოლო ხაჩიკა

სსიპ-ოტია იოსელიანის სახელობის წყალტუბოს №1 საჯარო სკოლის ქართული ენისა და ლიტერატურის კათედრის გამგე



კიდევ ერთი წარმატება

2017 წლის 13 ივნისი. ზღაპრული სამყაროს ნაწილად ქცეული 153-ე საჯარო სკოლის სააქტო დარბაზი, მიმდინარეობს IV კლასელთა სპექტაკლი „ბატის ჭუკი მამიკო“, რომელიც პატარა მსახიობებმა საყვარელ დედაებს მიუძღვნეს. დედები კი ამ სამზადისში აქტიურად ჩაგვრთო ნაირა მასწავლებელმა, რომელიც სცენარის ავტორიც თავად არის და ცეკვების დამდგმელიც, მუსიკაც თავად შეარჩია. თითქოს აღარ უნდა გვიკვირდეს, იმდენჯერ გაგვაოცეს ჩვენმა შვილებმა ნაირა მასწავლებლის წყალობით. მისი ენთუზიაზმი, პედაგოგიური აღლო და მიდგომა, ბავშვებისადმი სიყვარული, ორგანიზატორული ნიჭი, იმ დღეს კიდევ ერ-

თხელ დავიხახეთ. ნაირა აზარიაშვილი გამოცდილი პედაგოგია. მის გაკვეთილებზე მხოლოდ საგანს კი არა, ბევრ სხვა რამესაც სწავლობენ ჩვენი შვილები - მეცნიერების, კულტურისა და ზნეობის ანბანს ეზიარებიან, მას მუსიკალური განათლებაც აქვს, მიღწევები ჰქონდა სპორტში, ამიტომ ნებისმიერი ღონისძიების მომზადებასა და ჩატარებას თამამად იღებს საკუთარ თავზე და შედეგიც ყოველთვის კარგი აქვს. ამ ოთხი წლის განმავლობაში ჩვენც ბევრი რამ ვისწავლეთ მისგან, ის ჩვენი პედაგოგიც არის.

დარბაზს, სადაც მეოთხეკლასელთა უამრავი გულშემატკივარი შეიკრიბა, მასწავ-



ლებლებისა და მშობლების სათუთი ხელიც ეტყობოდა. პატარებმა რიტმული მოძრაობით შეასრულეს მარიამ მდივინიშვილის სიმღერა „გაზაფხული“, იცეკვეს ვალსი.

კრუხი მართა ძერისგან იცავს წინილებს პატრონისა და ძაღლის დახმარებით, უშიშარი ბატის ჭუკი მამიკო ქალაქში მიდის დაჭრილი დედისთვის მაღალმოს მოსატანად. ბატის ჭუკს გზის გაგნებაში ეხმარება კეთილი ტურიკელა, ბატის ჭუკის სიამაყით მოხიბლული რუხი მგელი, მელაკუდა. ყველა ერთად გადაარჩენს კრუხ მართას. ზღაპრის გმირებმა ოსტატურად შეასრულეს თავიანთი როლები, ქართული ხალხური და ევროპული ცეკვები.

პატარა მსახიობებმა სპექტაკლი სიმღერებით დაასრულეს.

დედის გული ხომ ზღვაზე ვრცელია, შვილისთვის დნება, როგორც სანთელი, წყაროზე წმინდა დედის ცრემლია, დედის ღიმილი მზეზე ნათელი.

დაე, მუდამ იყოს მზე, დაე, მუდამ იყოს ცა, დაე, მუდამ იყოს დედა, დაე, მუდამ ვიყო მე!

მრავალჯერ გაგებარებინოთ, ჩვენო პატარებო, თქვენი დედიკოებისა და მასწავლებლების გულები!

ნათუნა ხურციკა მშობელი



მედიანიგნიერება

რა საფრთხე ემუქრება დედამიწას?

ავტორი - ნანა გაბისონია

სკოლა - იტალიური სკოლა „ცისკარი“

1. გაკვეთილის სათაური - „გლობალური დათბობა“. რა საფრთხე ემუქრება დედამიწას?

2. კლასი - XI კლასი

3. საგანი - გეოგრაფია

4. სასწავლო მიზნები - მოსწავლემ შეძლოს საინფორმაციო და სამეცნიერო წყაროებზე დაყრდნობით გლობალური დათბობის გამომწვევ მიზეზებზე და სავარაუდო შედეგებზე მსჯელობა; ჯგუფური მუშაობისას გამოყოს მისი მოგვარების რამდენიმე მნიშვნელოვანი ღონისძიება და შექმნას პრობლემის მოგვარების სტრატეგია (გეო.11/3).

მედიანიგნიერება - მედიარესურსის კრიტიკული ანალიზი და სინამდვილის რეპრეზენტაციის შეფასება, მედიის მიერ გამოქვეყნებულ ინფორმაციაში სხვადასხვა პერსპექტივისა და ხედვის იდენტიფიცირება, ანალიზი და განხილვა.

ლექსიკონი:

გლობალური დათბობა - დედამიწის ატმოსფეროს მიწისპირა ფენისა და მსოფლიო ოკეანის საშუალო წლიური ტემპერატურის სწრაფი ზრდის პროცესი.

5. საჭირო საგანმანათლებლო რესურსების ჩამონათვალი:

- ნარატივი: გეოგრაფია, XI კლ., შპს „ბაკურ სულაკაურის გამომცემლობა - ქართული ბიოგრაფიული ცენტრი“ (ავტორთა ჯგუფი); მია ბლიაძე, „ვინ გადაიხდის ეკონომიკის განვითარებისა და გარემოს დაბინძურებისთვის?“

- http://www.mastsavlebeli.ge/?action=page&p_id=7&npid=4&id=669

- სლაიდები: თანამედროვეობის გლობალური პრობლემები; „გლობალური კლიმატცვლილება“ „სათბურის ეფექტი“, „კიოტოს ოქმი“.

- ვიდეოფილმები:

ა) „გლობალური დათბობა“

<http://video.nationalgeographic.com/video/101-videos/global-warming-101>

ბ) „დედამიწა ყინულის დნობის შემდეგ“

https://www.youtube.com/watch?v=VbiRNT_gWUQ

გ) „ქართველი მკვლევრები კავკასიონზე ყინულის დნობის შესახებ“

https://www.youtube.com/watch?v=kW8c6h_MB54

6. გაკვეთილის დროში განერილი მიმდინარეობა:

აქტივობა №1 (5 წთ) - მასწავლებელი სთხოვს მოსწავლეებს, ჩამოთვალონ მათთვის ცნობილი გლობალური პრობლემები და უპასუხოთ შეკითხვებს.

მოსწავლეები ასრულებენ დაგეგმვას და ჩამოთვლილი პრობლემების რანჟინგს ახორციელებენ სქემით „თანამედროვეობის გლობალური პრობლემები“ (სლაიდი 1) და პასუხობენ შეკითხვებს:

სლაიდი 1 - „თანამედროვეობის გლობალური პრობლემები“:

თანამედროვეობის გლობალური პრობლემები			
პოლიტიკური	ეკონომიკური	სოციალური	ეკოლოგიური
პოლიტიკური კონფლიქტები	სასურსათო პრობლემები	დემოგრაფიული	ჰიდროსფეროს დაცვა, სტიქიური კატასტროფები



მოსწავლეთა პასუხები:

მასწავლებლის კითხვები	მოსწავლეთა სავარაუდო პასუხები
დაასახელეთ, გლობალურ პრობლემებში, რომელია ყველაზე უფრო გლობალური და დასაბუთეთ თქვენი არჩევანი.	პოლიტიკური, ეკონომიკური, სოციალური პრობლემები ყველას თანაბრად შეიძლება არ შეეხო, ყველა ქვეყნის მაცხოვრებლისთვის არ იყოს ერთნაირად მნიშვნელოვანი, მაგრამ ეკოლოგიური პრობლემები თანაბრად მნიშვნელოვანია პლანეტის ყველა მაცხოვრებლისთვის; ამიტომ ეკოლოგიური პრობლემა ყველაზე უფრო გლობალური ხასიათისაა.
გამოყავით ეკოლოგიური პრობლემებიდან ყველაზე აქტუალური თანამედროვე ეკოლოგიური პრობლემა.	გლობალური დათბობა.

აქტივობა №2 (18წთ) - მასწავლებელი მიმართავს მოსწავლეებს, გაეცნონ ინფორმაციას გლობალურ დათბობაზე და კლიმატცვლილებაზე, სათბურის ეფექტზე და გარემოს ცვლილებების მარგულირებელ საერთაშორისო შეთანხმებაზე (სლაიდი 2, 3, 4), გააანალიზონ ინფორმაცია და შეავსონ ცხრილი „კლიმატცვლილება - „თეთრი ქუდების“ საფრთხე“:

სლაიდი 2 - „გლობალური კლიმატცვლილება“:

გლობალური კლიმატცვლილება	
<p>გლობალური კლიმატცვლილება თანამედროვე მსოფლიოს ერთ-ერთი უმძაფრესი გარემოსდაცვითი პრობლემაა.</p> <p>კლიმატცვლილების გამო:</p> <ul style="list-style-type: none"> ჩრდილოეთის ზღვებსა და არქტიკაში ყინული 40%-ით თხელია, ვიდრე 40 წლის წინ იყო; ჩრდილოეთ ნახევარსფეროს ტბებზე ყინულის საფარი ერთი კვირით გვიან ჩნდება და ერთი კვირით ადრე დნება, ვიდრე საუკუნის წინათ ხდებოდა; იცვლება ნალექების რაოდენობაც, წვიმებმაც უფრო ხშირი და უფრო კატასტროფული ხასიათი მიიღო; იცვლება ცხოველთა და მცენარეთა ქცევაც, რაც დათბობითაა გამოწვეული. 	<p>გლობალური კლიმატცვლილება. მ.რატინი, http://www.mastsavlebeli.ge/?action=page&p_id=7&npid=4&id=836; http://pia.ge/photobank.php?urlpage=6&id_folder_groups=75</p>

სლაიდი 3 - „სათბურის ეფექტი“:

„სათბურის ეფექტი“	
<p>გლობალური კლიმატცვლილება დაკავშირებულია სოციალურ, ეკონომიკურ, პოლიტიკურ თუ ეკოლოგიურ პრობლემებთან, მას დიდი ეკონომიკური ზარალი და ადამიანთა მსხვერპლიც კი მოაქვს.</p> <p>მეცნიერთა ნაწილს მიაჩნია, რომ მისი უმთავრესი მიზეზია ინდუსტრიული საქმიანობა და ამის შედეგად ატმოსფეროში გაფრქვეული აირები, რომლებიც შთანთქავენ დედამიწიდან არეკილ ინფრანითელ გამოსხივებას და ქმნიან სათბურის ეფექტს, რომელიც საფრთხეს უქმნის ეკოსისტემებს და დედამიწის მთელ ცოცხალ სამყაროს.</p>	

სლაიდი 4 - „კიოტოს ოქმი“:

<p>კიოტოს ოქმი გაეროს კლიმატის ცვლილების ჩარჩო კონვენციის (UNFCCC) ფარგლებში დადებული დამატებითი საერთაშორისო შეთანხმებაა. მისი მიზანია ატმოსფეროში სათბურის აირების კონცენტრაციის დასტაბილურება ისეთ დონეზე, რომელიც დედამიწის კლიმატისთვის საშიში არ იქნება. კიოტოს ოქმი ქვეყნებისთვის სათბურის აირების ატმოსფეროში გაფრქვევის კონკრეტულ (თითოეული ქვეყნისთვის - განსხვავებულ) ზღვრებს (ლიმიტებს, კვოტებს) ადგენს. იგი ბუნებრივ გარემოსთან მიმართებით ერთადერთი რეალურად მოქმედი ჩარჩო/დოკუმენტია იმ ღონისძიებებისთვის, რომლებიც მიმართულია ატმოსფეროში ადამიანის მოქმედების შედეგად მოხვედრილი ნახშირორჟანგის მოცულობის სტაბილიზაციისა და შემცირებისკენ. კიოტოს ოქმს საქართველო 1999 წლის ივნისში შეუერთდა.</p>	<p>ლიტერატურა: მია ბლიაძე, „ვინ გადაიხდის ეკონომიკის განვითარებისა და გარემოს დაბინძურებისთვის?“ http://www.mastsavlebeli.ge/?action=page&p_id=7&npid=4&id=669</p>
--	--

მოსწავლეები ეცნობიან ინფორმაციას და ავსებენ ცხრილს „კლიმატცვლილება - „თეთრი ქუდების“ საფრთხე“:

ცხრილი 1: „კლიმატცვლილება - „თეთრი ქუდების“ საფრთხე“

შეკითხვა	სავარაუდო პასუხი
რატომ ითვლება კლიმატცვლილება თანამედროვეობის ყველაზე დიდ საფრთხედ?	იზრდება წვიმების რაოდენობა, დნება ყინვარები, მწვერვალებზე დადებული მარადი თოვლის ფართობი იკლებს, დათბობის გამო საერთოდ იცვლება ცოცხალი ბუნების ცხოვრების წესი.
რა სახის ვიზუალურ ცვლილებას გამოიწვევს დათბობა დედამიწაზე?	დათბობის გამო იმდენად შემცირდება დედამიწაზე ყინულის საფარი, რომ „თეთრი ქუდების“ გაქრობა „გლობალურად“ შესამჩნევი გახდება.
როგორი იქნება დედამიწის რუკა „თეთრი ქუდების“ გაქრობის შემდეგ?	დედამიწის რუკიდან „თეთრი ქუდების“ გაქრობის შემდეგ გარკვეული ტერიტორიები შეიძლება წყლის ქვეშ აღმოჩნდეს.
რამდენად იცავს საერთაშორისო ხელშეკრულებები გარემოს ცვლილებებისგან?	მიუხედავად საერთაშორისო შეთანხმებებისა, გარემო დაცული არაა ცვლილებებისგან.

აქტივობა №3 (7წთ) - მასწავლებელი მიმართავს მოსწავლეებს, გაეცნონ ფილმს - „გლობალური დათბობა“ და მიღებული ინფორმაცია შეადარონ წინა აქტივობიდან მიღებულ ცოდნას: მოსწავლეები ასრულებენ დაგეგმვას და შედარებას სქემით ნარმოადგენენ:

ინფორმაცია	შესაბამისობა ფილმთან
<p>სლაიდი 1 - „გლობალური კლიმატცვლილება“</p> <p>გლობალური კლიმატცვლილება</p> <p>გლობალური კლიმატცვლილება თანამედროვე მსოფლიოს ერთ-ერთი უმძაფრესი გარემოსდაცვითი პრობლემაა.</p> <p>კლიმატცვლილების გამო:</p> <ul style="list-style-type: none"> ჩრდილოეთის ზღვებსა და არქტიკაში ყინული 40%-ით თხელია, ვიდრე 40 წლის წინ იყო; ჩრდილოეთ ნახევარსფეროს ტბებზე ყინულის საფარი ერთი კვირით გვიან ჩნდება და ერთი კვირით ადრე დნება, ვიდრე საუკუნის წინათ ხდებოდა; იცვლება ნალექების რაოდენობაც, წვიმებმაც უფრო ხშირი და უფრო კატასტროფული ხასიათი მიიღო; იცვლება ცხოველთა და მცენარეთა ქცევაც, რაც დათბობითაა გამოწვეული. 	<p>ფილმის მიხედვით, გლობალური დათბობა იმაზე მეტ შედეგს იწვევს, ვიდრე უბრალოდ ყინულის დნობა; ნალექებისა და სითბოს გაზრდით, ის საერთოდ ცვლის დედამიწის რუკას, იქ მცხოვრები ადამიანების და ზოგადად ცოცხალი ბუნების წესს.</p>
<p>სლაიდი 2 - „სათბურის ეფექტი“</p> <p>„სათბურის ეფექტი“</p> <p>გლობალური კლიმატცვლილება დაკავშირებულია სოციალურ, ეკონომიკურ, პოლიტიკურ თუ ეკოლოგიურ პრობლემებთან, მას დიდი ეკონომიკური ზარალი და ადამიანთა მსხვერპლიც კი მოაქვს.</p> <p>მეცნიერთა ნაწილს მიაჩნია, რომ მისი უმთავრესი მიზეზია ინდუსტრიული საქმიანობა და ამის შედეგად ატმოსფეროში გაფრქვეული აირები, რომლებიც შთანთქავენ დედამიწიდან არეკილ ინფრანითელ გამოსხივებას და ქმნიან სათბურის ეფექტს, რომელიც საფრთხეს უქმნის ეკოსისტემებს და დედამიწის მთელ ცოცხალ სამყაროს.</p>	<p>ფილმის მიხედვით ინდუსტრიული საქმიანობა და ამის შედეგად ატმოსფეროში გაფრქვეული აირები უშუალოდ იწვევს „სათბურის ეფექტს“, რაც დედამიწის მთელ ეკოსისტემას უქმნის საფრთხეს, განსაკუთრებით კი აქტიურებს ყინულის დნობას.</p>

მედიანობიკა

აქტივობა №5 (8წთ) - მასწავლებელი მიმართავს მოსწავლეებს, გაცნონ მცირე დოკუმენტურ ვიდეოფილმებს დედამიწაზე ყინულის დნობის შედეგებზე - „დედამიწა ყინულის დნობის შემდეგ“ და „ქართული მკვლევრები კავკასიონზე ყინულის დნობის შესახებ“ (0:2).

ფილმებში აღწერილია ყინულის დნობის და გლობალური დათბობის შედეგები, თუ რა ბედი ეწევა ქვეყნებს მყინვარების დნობის შედეგად, რომელი ქალაქები გაქრება რუკიდან, როგორ შეიცვლება დედამიწის რუკა და რა შედეგებამდე მიგვიყვანს გლობალური დათბობა, საუბარია, თუ რამდენად აქტუალური შეიძლება იყოს ეს პრობლემა საქართველოსთვის.

მოსწავლეები ასრულებენ დავალებას, მცირე ვიდეოფილმების ნახვის შემდეგ კი აანალიზებენ ინფორმაციას საქართველოსთან კონტექსტში და ავსებენ ცხრილს „გლობალური დათბობა - საფრთხე ჩვენთვის და მთლიანად დედამიწისთვის“.

ცხრილი 3: „გლობალური დათბობა - საფრთხე ჩვენთვის და მთლიანად დედამიწისთვის“:

Table with 2 columns: 'გლობალური დათბობა - საფრთხე ჩვენთვის და მთლიანად დედამიწისთვის' and 'სავარაუდო პასუხი'. It contains three rows of questions and answers related to global warming.

აქტივობა №6 (5წთ) - მასწავლებელი მიმართავს მოსწავლეებს, ინფორმაციის შეჯამების საფუძველზე ჩამოაყალიბონ რჩევები (თეზისების სახით), რომელსაც შესთავაზებენ ხელისუფლებას, საზოგადოებას და საკუთარ თავს ამ პროცესების შესაჩერებლად (ცხრილი 4). მოსწავლეები ასრულებენ დავალებას და აყალიბებენ თეზისებს - „გადავარჩინოთ დედამიწა“:

Table with 2 columns: '„გადავარჩინოთ დედამიწა“ თეზისები' and 'რჩევები'. It lists various environmental and social issues and corresponding recommendations.

- შეფასების ინსტრუმენტები (2წთ). კრიტერიუმები:
1. მოსწავლემ ჩამოთვალა გლობალური პრობლემები;
2. მოსწავლემ იმსჯელა გლობალური დათბობის გამომწვევ მიზეზებზე და სავარაუდო შედეგებზე;
3. მოსწავლემ შეადარა საინფორმაციო ნარატიული წყაროები ფილმში ნანახ მასალას;
4. მოსწავლემ დააკვირა ინფორმაცია ერთმანეთთან;
5. მოსწავლემ გააანალიზა მედიარესურსების მონაცემები გლობალური დათბობის და მყინვარების დნობის შესახებ;
6. მოსწავლემ გააკეთა დასკვნა და ჩამოაყალიბა თეზისები.

დაკვირვების ინსტრუმენტი

Table with 4 columns: 'კრიტერიუმები', 'შეძლო', 'ვერ შეძლო', 'შეძლო დახმარებით'. It is used for monitoring student progress on the assignment.

- გამოყენებული მულტიმედია რესურსები:
ა) http://video.nationalgeographic.com/video/101-videos/global-warming-101;
ბ) https://www.youtube.com/watch?v=VbiRNT_gWUQ;
გ) https://www.youtube.com/watch?v=kW8c6h_MB54. ლინკი მოცემულ დროზე 0:2;
დ) გეოგრაფია, XI კლ., შპს „ბაკურ სულაკაურის გამომცემლობა - ქართული ბიოგრაფიული ცენტრი“ (ავტორთა ჯგუფი);
ე) მაია ბლიაძე, „ვინ გადაიხდის ეკონომიკის განვითარებისა და გარემოს დაბინძურებისთვის?“
http://www.mastsavlebeli.ge/?action=page&p_id=7&npid=4&id=669

შენიშვნები - საკითხის გლობალური ხასიათიდან გამომდინარე, სასურველია, მოსწავლეებს საშინაო დავალებად მიეცეთ, მოამზადონ თეზისები „დედამიწის გადარჩენაზე“ თანასკოლელების, ახლობლების და ოჯახის წევრების გამოკითხვის საფუძველზე.

სასკოლო აქტივობა

საბუნებისმეტყველო პროექტების პრეზენტაცია



12 ივნისს, №190 საჯარო სკოლის დირექტორმა და, ამავდროულად, ბიოლოგიის მასწავლებელმა მაია გიორგაძემ, XI კლასში წარმოადგინა სხვადასხვა სახის პროექტები: „არა - გარემოს დაბინძურებას“, „ერთად ვიბრძოლოთ ნარკოტიკების წინააღმდეგ“, „უთხარი არა ალკოჰოლს!“ X¹ კლასის მოსწავლეებმა: ანი სიხუაშვილმა („არა - გარემოს დაბინძურებას“), სალომე ზაუტაშვილმა („ერთად ვიბრძოლოთ ნარკოტიკების წინააღმდეგ“), მარიამ ოქროპირიძემ და თამარ ხინთიბიძემ („უთხარი არა ალკოჰოლს“) საინტერესოდ და შთაბეჭდილებად წარმოადგინეს მასალა. პროექტორზე ჩანდა ის უარყოფითი შედეგები, რომლებიც თან სდევს არაჯანსაღი ცხოვრების წესს. პროექტში ჩართული იყვნენ: ვასიკო თედიამვილი, თენგიზ მაისურაძე, ზურაბ მოდებაძე და სხვები.

პიკ ახსიათებს - მოსწავლის გონებას წარმართავს და ყურადღებას ამახვილებინებს უმნიშვნელოვანეს საკითხებზე. უნდა ითქვას ისიც, რომ მოსწავლეზე ორიენტირებული სწავლება მსგავსი პროექტების წარმოჩენით ხორციელდება. პრეზენტაციას ესწრებოდნენ მასწავლებლები, მოსწავლეები და მშობლები. გამოითქვა განსხვავებული აზრები და შეხედულებები. მოსწავლეებს აუმაღლდათ მოტივაცია საბუნებისმეტყველო საგნის, კერძოდ, ბიოლოგიისადმი.

ქათივან ჭილიკი თბილისის №190 საჯარო სკოლის პედაგოგი



საუბრაო ლიტერატურაზე

ლიტერატურული ინტერპრეტაცია მხატვრული ნაწარმოების ნაქითხვისათვის

„ყველგან, სადაც სამყარო განიცდება ჩვენ მიერ, სადაც ხდება უცხოობის ჩამოცილება, ყველგან სრულდება ჰერმენევტიკული პროცესი სამყაროს შეკრებისა სიტყვაში და ზოგად ცნობიერებაში“ (ჰ. ვადაშვილი). „აზრის გამოვლინება ენაში“ – ასე განსაზღვრავს გაგების ცნებას შლაიერმახერი.

ხშირად მოსწავლე კითხვობს ამა თუ იმ ტექსტს, იცის შინაარსი, თუმცა დარწმუნებული არ ვართ, რომ ის ჩანდა ავტორის სათქმელს. როდის ან როგორ შეგვიძლია ვთქვათ, რომ მოსწავლემ სწორად გაიგო ტექსტი. ლიტერატურული ნაწარმოების მიმართ ასეთი ერთმნიშვნელოვანი კრიტერიუმი არ არსებობს. მხატვრული ტექსტის გაგება, მისი სწორად ინტერპრეტაცია, სინქრონული და დიაქრონული რაკურსების გაერთიანება, მკითხველი და თეორეტიკოსი, ავტორი და ისტორიული კონტექსტი, შინაგანი და გარეგანი ლოგოსი, ენობრივი და ჟანრული მოდელები – ეს ის მნიერი ჩამონათვალაა ლიტერატურის თეორიის საკითხებიდან, რომელთა ცოდნაც საჭიროა სხვადასხვა ასაკის მკითხველისათვის ტექსტის დეკონსტრუქციისა და შემდგომი სწორი რეკონსტრუქციისათვის.

მხატვრული ტექსტების ჰერმენევტიკული მეთოდი კვლევა მტკიცედ აქტუალური და საინტერესოა. ჰერმენევტიკა სხვაგვარად გაგების თეორიაა და აღიარებული. იგი მოიაზრება, როგორც ლიტერატურული ნაწარმოების ახსნისა და განმარტების უნივერსალური ხერხი. მხატვრული ტექსტების ამ კუთხით კვლევა ღრმა ფილოსოფიურ-ლიტერატურათმცოდნეობითი საფუძვლების მქონეა. იგი ტექსტის ფუნდამენტური გააზრების საშუალებას იძლევა, მისი გამოყენებით შევიცნობთ ტექსტის მთავარ სათქმელს, საზრისს. ტერმინს – ჰერმენევტიკა – ეტიმოლოგიურად აკავშირებენ ანტიკური დღერტის ჰერმესის სახელთან. ბერძნული მითოლოგის თანახმად, ჰერმესი შუამავალია ზევსსა და ადამიანებს, ზევსსა და მიწისქვეშეთს, აგრეთვე მიწისზედა და მიწისქვეშა სამყაროს შორის. შესაბამისად, ჰერმესი მედიატორია, რომელიც განუწყვეტლივ კვეთს ონტოლოგიურ საზღვრებს და ასრულებს „სიტყვის მიმტანის“, „ამბის განმმარტავის“ ფუნქციას.

გაგებისა და ახსნის პრობლემით ჯერ კიდევ ანტიკური ხანიდან დაინტერესდნენ, ტექსტის გააზრების პირველი ნაბიჯები სტოელთა ფილოსოფიურ სკოლას უკავშირდება. ამ სკოლის წარმომადგენლებმა დაიწყეს ბერძნული მითების, ჰომეროსის „ილიადასა“ და „ოდისეას“ და ჰესიოდეს „თეოგონის“ განმარტება. განმარტების ხელოვნებას ეხებოდნენ სოფისტებისა და რიტორიკის სკოლებში. შემდეგ სტოელებთან განვიტარდა ე.წ. ალეგორიული ინტერპრეტაცია.

მხატვრული ტექსტის ინტერპრეტაციის პროცესში სტოელები ურთიერთისაგან განასხვავებდნენ წარმოთქმულ და შინაგან ლოგოსს: პირველი არის ტექსტის პირდაპირი აზრი, ხოლო მეორე – ამ გამოხატულების შინაარსი, ანუ დაფარული საზრისი. შინაგანი ლოგოსი, ანუ ტექსტის დაფარული საზრისი ცხადდება გარეგანი ლოგოსში. ტექსტის ალეგორიული ინტერპრეტაციის მეთოდი შემდგომ განვითარდა ბიბლიის ტექსტების ელინისტური და პატრისტიკის პერიოდის ეგზეგეტიკაში. შუა საუკუნეებში ჰერმენევტიკა განუარესებლად დაუკავშირდა თეოლოგიას, რადგან ქრისტიანული თეოლოგიური აზროვნების აღმავლობის ეპოქაში აუცილებელი ხდება საღვთო წიგნების, ეკლესიის მამათა თხზულებების განმარტება. წმინდა წიგნებში

მოცემული დოგმები და მათი ახსნის ფორმები საუკუნეების მანძილზე ღვთისმეტყველთა პრეროგატივას წარმოადგენდა.

XIX საუკუნიდან კი ჩნდება ფილოსოფიური ჰერმენევტიკა, რომელიც განიხილავს წერილობითი წყაროების ინტერპრეტაციის პრობლემებს. მისი წარმოშობა დაკავშირებულია გერმანელი ფილოსოფოსისა და თეოლოგის, ფრიდრიხ შლაიერმახერის (1768-1834) სახელთან. შლაიერმახერის მოღვაწეობა იქცა ჰერმენევტიკული კვლევისაკენ შემობრუნების ნერტილად.

ამდენად, ლიტერატურული ნაწარმოების გაგება გულისხმობს არა მხოლოდ ფაქტების ცოდნას, არამედ მთელ ნაწარმოებს, როგორც გარკვეული შინაარსის მქონე მოდელს. ეს მოდელი ვლინდება ჟანრით, მხატვრული ხერხებით, კომპოზიციისა და სიუჟეტის თავისებურებით, მწერლის ენითა და ერთობლიობით სხვადასხვა „კოდისა“, რომელთაც ამოხსნა, დეკოდირება ესაჭიროებათ.

ტექსტის სწორად ინტერპრეტაციის გასაღები „კოდების“ ფლობით გამოიხატება. მკითხველი ტექსტს გააზრებს მასში მოცემული ენიგმებით როგორც სინქრონულ, ასევე დიაქრონულ ჭრილში. ასე ხდება მკითხველის გამოცდილების გადაცემა ტექსტში. განვიხილოთ რამდენიმე კოდი.

1. **გამოსახვის საშუალებათა კოდი** – მოიცავს ლიტერატურული ნაწარმოების ენობრვ მხარეს და გულისხმობს მკითხველისაგან ენის ცოდნას, სტილისტურ თავისებურებათა გააზრებას, ტროპების გამოყენების გათვალისწინებას და სხვ. მაგალითად, იმპრესიონისტული პროზისათვის დამახასიათებელია ერთგვარი ირონია, როგორც აზრის ლაკონიური გამოხატვის საშუალება, ემოციურ-ექსპრესიული თხრობა, მრავალწრილი, დაუშვარებელი წინადადებები, მძაფრი რიტმი, მოკლე, სხარტი ფრაზები, „დეპეშური“ სტილი, მუსიკალურობა. ნიკო ლორთქიფანიძე ერთგან წერს: „უმთავრეს მიზნად დასახული მქონდა მკითხველში ერთგვარი სულის განწყობა გამოიწვევია – სიტყვის საშუალებით მუსიკის სანადელი მიმეღწია.“ გავიხსენოთ ნიკო ლორთქიფანიძის შემოქმედება: „მოკვდა უცხოეთში.

– ათასი წნულეებით იყო ავად, არავითარმა წამალმა არ იმოქმედა, – იმართლებდა თავს ამხანაგთა წინაშე ექიმი.

ცხედარი გაჭრეს. პროფესორმა ხელები ჩამოუშვა და გაკვირვებულმა წამოიძახა:

– შეხედეთ, ბატონებო, ეს რა ამბავია?! ერთმანეთს შესცქეროდნენ.“ („გული“).

„დარჩა მამა-შვილი ისევ ობლად. ელის ბავშვი ეყოლა. გაუჭირდათ. გააყიდეს, დააგირავეს უსაჭიროესიც... ელის მხოლოდ მედალიონი დარჩა გულზე...“ („მელოცვა რადიოთი“).

„გაძვრა-გამოძვრა მაჭანკალი...“ („თავსაფრინი დედაკაცი“) – ამ ორი სიტყვით მწერალმა შექმნა სიტყვის ფერტი, მუსიკალურობაც, პერსონაჟის გამოკვეთილი სახასიათო ტიპიც. მწერალი თავისი ოსტატობით, პატარა, სხარტი წინადადებებით, ზუსტად მიგნებული ფრაზებით ახერხებს ემოციური სიუჟეტის აგებას. მშრალი ფრაზები ფერწერული სურათის შთაბეჭდილებას ტოვებს.

2. ასევე შეგვიძლია გამოვყოთ **ჟანრული კოდი**. მკითხველმა უნდა გაითვალისწინოს, რომ ლიტერატურულ ჟანრს სიუჟეტის აგების თავისებური კანონები აქვს.

ჰაგიოგრაფიული ტექსტების სწავლა რომ გაუადვილდეთ მოსწავლეებს, გარდაუვალია იმის ცოდნა, რომ სასულიერო

მწერლობისათვის ნიშანდობლივია ეროვნული გმირის ახლებური სახის შექმნა (რ. სირაძე). ჰაგიოგრაფიულ ტექსტებს თან სდევს აღმზრდელი-დოქტორული მოტივები, გმირთა და მასთან დაპირისპირებული ანტიგმირით წმინდანის აბსოლუტურად სრულყოფილი სახის შექმნა, ისტორიზმის სიჭარბე, წმინდანი იმეორებს ქრისტეს გზას. საყურადღებოა ჰაგიოგრაფიული ტექსტების ბიბლიასთან მიმართება, რომლითაც ვლინდება შუა საუკუნეების მრწამსი.

გავისხენოთ შუა საუკუნეების ეპოსი. როდესაც ვსწავლობთ „ვეფხისტყაოსანს“, აქაც გვმართებს ჟანრის მახასიათებლების გათვალისწინება. შუა საუკუნეების ეპოსი მიზნად არ ისახავს კონკრეტული სინამდვილის ასახვას, აქ გმირები განსახიერებენ მხატვრულ იდეალებს. გვხვდება სინთეზი რეალური და გამოგონილი ფაქტებისა, ქვეყნებისა. არ გვხვდება დრო-სივრცითი საზღვრები. ამ ყველაფრის გათვალისწინებით ტექსტის გააზრება მართებს როგორც მასწავლებელს, ასევე მოსწავლეს, რომლისთვისაც უკვე გასაგები იქნება, თუ რატომ აღწერს რუსთველი დევებთან ბრძოლას, სამი გმირის სამი ჯადოსნური აღკავშმულობით ქაჯთა ძლევას და სხვ.

რაც შეეხება იმპრესიონისტულ პროზას, მან მოხსნა სიუჟეტის კლასიკური გაგება, გააბატონა მცირეფორმიანი თხზულებები, რომლის მიზანიც ემოციურ-ექსპრესიული განწყობის შექმნა (ნიკო ლორთქიფანიძე, ლეო ქიანელი). მინიატურა, ნოველა, ესკიზი – მწერლის შთაბეჭდილებით ასახვის ყველაზე ზუსტად მიგნებული ფორმაა. ვრცელ მონოტონურ აღწერებს, თხრობას ანაცვლებს სხარტი ფრაზები: „ქართული ქერივი დედაკაცი თავსაფრიდან წულეზამდის... წინდაც კი შავი...“ აქ ამკარად იკვეთება რეალისტური სტილისგან განსხვავებული დახვეწილი ლაკონიური თხრობა, ფერწერული პორტრეტების თხზვა. ასევე, ნიშანდობლივია მწერლის სუბიექტური შეფასების ღიად წარმოჩენა, რიტმულ-მუსიკალური მინიატურებით რეალისტური სურათების შექმნა. მაგალითად, ნიკო ლორთქიფანიძის „სამოზაო მინიატურები“ ინყება ამაღლებული ინტონაციით: „იქ, სადაც, პეთლემში, ცხრაბეჭი საუკუნის წინათ, ცამოჭდილ ღამეს მღვიმეში დაიბადა იესო... აქ კი... დღეს...“ და შემდეგ მწერალი მთელი ტრაგიზმით ხატავს სურათებს იმ განწირული ადამიანების ყოფიდან, რომელთათვისაც დახშულია „ტანჯვის შემამსუბუქებელი“ გზები. გმირის სულიერი სამყაროს წვდომისათვის იმპრესიონისტული წერის თავისებურების დახვეწილი შტრიხების გააზრება მკითხველს სულ სხვა რეცეფციულ პროცესს სთავაზობს. ხშირად მარტივი შინაარსის სიღრმისეული წვდომა სწორედ ჟანრის სპეციფიკის ცოდნით უფრო მარტივი ხდება ნებისმიერი მკითხველისათვის.

ამდენად, შეგვიძლია ვთქვათ, რომ ნიჭია იყო მწერალი და ასევე, უდიდესი ნიჭია, იყო კარგი მკითხველი. თუმცა კითხვაც უნარია. როგორც გამოჩენილი ინგლისელი მწერალი ვირჯინია ვულფი ამბობდა, კითხვა ხელოვნებაა, მკითხველიც ხელოვანია. წიგნის კითხვის უნარი ნაწილობრივ თანდაყოლილი შეიძლება აღმოჩნდეს, თუმცა უკულტურული მკითხველისთვის საჭირო ჩვევების გამოუმუშავება ყოველ ჩვენგანს შეუძლია.

თინათინ თვალიძე
ვლადიმერ კომაროვის თბილისის ფიზიკა-მათემატიკის 199-ე საჯარო სკოლის ქართული ენისა და ლიტერატურის მასწავლებელი

ილია ჭავჭავაძის მოთხრობის „ქასია-ალამიანი?!“ სწავლებისათვის

მოსწავლეებისთვის, რომლებიც ეცნობიან XIX საუკუნის ნაწარმოებებს, უცხოა იმდროინდელი ვითარების აღქმა და გააზრება. ამისთვის თავდაპირველად საჭიროა გაეცნოს XIX ს-ის 60-70-იანი წლების ეპოქას.

გასამახვილებელია ყურადღება იმ „საზოგადო ჭირზე“, რომელმაც ილიას „კაცია-ადამიანი?!“ დააწერინა. ეპიგრაფი გახდებდა ილიის ვადმოცემის ერთ-ერთი მნიშვნელოვანი თემა – „მოყვარეს პირში უძრავი, მტერი პირს უკანაო“. რატომ წერს ილია ამ ნაწარმოებს, რა არის მასში მთავარი სათქმელი? ილიას სურს, გააღვიძოს ერში ის მიძინებული სული, რომელიც გადაგვარების გზას დასდგომა. აკი ამბობს კიდევ ლექსში „ლეგია“: „ო, ღმერთო ჩემო, სულ ძილი, ძილი, როს-და გვეღირსოს ჩვენ გაღვიძება?!“ ამით გამოფხიზლებისკენ მოუწოდა ერს და ნაწარმოებში წამოჭრილი პრობლემის, თათქარიძობის, აღმოფხვრა, რომელიც ჩვენი ერის სატიკვარი გამხდარა, ერის გამოფხიზლებით იყო შესაძლებელი.

იქცა თუ არა თათქარიძობა „საზოგადო ჭირად“ და რამ მიიყვანა ერი ამ მდგომარეობამდე? მწერალი გზადაგზა გვახსენებს მოვლენის საერთო ქართულ ხასიათს.

თავდაპირველად მის უზადრუკ სახლ-კარს აღწერს და აღწერის ბოლოს დასძენს: „ეტყობა, რომ ქართველია“. დაქცეული სახლ-კარი და შემორღვეული ღობე საქართველოს სიმბოლოა, ჩვენი ქვეყნისა, რომელიც გაპარტახებულია, საზღვრები შემორღვევია და არავის მოსვლია აზრად, რომ ღობე გაემთელებინა და დაეწყო ქვეყნის აღდგენაზე ფიქრი.

სახლ-კარი კი დაჰქცეოდა ლუარსაბს, რაც ქვეყნის თავზე

დამსობას მოასწავებდა, მაგრამ ფერი კარგი ჰქონდა, ხორცი – უკეთესი. „მეტი რა უნდა ქართველ კაცს, რომელიც ბედსა და უბედობას ბალნით არჩევს, – დასძენს ილია, – ქართველი კაცი ბედსა და უბედობას თანასწორად ემორჩილება.“

ცხადი ხდება, რომ თათქარიძობა საერთო ქართული მოვლენა ყოფილა. და მინც, რომელ ნაკლებ ამხვილებს ვეტორი ყურადღებას.

პირველი, რაზეც შეგჩრდებით, სიზარმაცეა. ლუარსაბს სტუმარი სძულდა, რადგან ჩაცმა ეზარებოდა. სიზარმაცე არაა ერთფეროვანი მოვლენა. ის ცრუ საქმიანობაა. ამაში კი დარეჯანს ვერავინ შეედრება.

მეორე ნაკლი თავთკმაყოფილება და კვენხაა, მათი კვენხა კი თვითმოწყუებაა.

თვითკმაყოფილების, კვენხისა და პირფერობის ატმოსფეროში რა უნდა აკეთოს ადამიანი? ჭამოს, სხვა აღარაფერი დარჩენია, ისინიც ჭამენ. „ხვალ რა ვჭამოთ“ – ეს იყო იმათი აზრის ალბ-მიცემა. როგორ უნდა გავრძელდეს თათქარიძების ცხოვრება?! ილია გვეუბნება, რომ სრული უსაყოფობაა ასეთი ცხოვრების დასასრული, ილოცეს ლუარსაბმა და დარეჯანმა, შეანუხეს ღმერთი, მკითხვასაც კი დაუჯერეს, თელეთის ხატიც მოილოცეს, მაგრამ შვილი არ შეეძინათ. ეს უსაყოფობა ყოველგვარ საქმეში უსარგებლობას, უუნარობას გულისხმობს. უშეილობით დადარდიანებული დარეჯანი ექიბამის წამალმა შეინარა, ლუარსაბი კი ცოლის სიკვდილმა ისე ნახდინა, რომ გამოხმა და დაჭკნა ქონითა და ხორციით სასე კაცი, თუმცა მაინც ჭამა-სმამ მოულო ბოლო.

თუ ზემოთ ნათქვამზე გავამახვილებთ ყურადღებას, თათქა-

რიძობა ყოფილა სიზარმაცე, ცრუ საქმიანობა, თვითკმაყოფილება, ტრაბახი, მატყუარობა, პირფერობა, თვალთმაქცობა, ღორმუცელობა, უნაყოფობა, გაუნათლებლობა... ეს საზოგადოების უარყოფითი მხარეებია და სწორედ ამან ჩააფიქრა ილია.

ტექსტის დასასრულს ავტორი მკითხველს მიანდობს სათქმელს და მიგვანიშნებს, რომ „სარკე მოგვიტანა“, მართალია, ეს სარკე გაბზარულია და შიგადაშიგ ლაქიანიც, მაგრამ გვაფიქრებს, როგორ უნდა დაადგეს ერი გადარჩენის გზას. ისიც კარგად იცის ავტორმა, რომ მის ნათქვამს ყველა სხვადასხვაგვარად გაიგებს, ზოგი გიჟს უწოდებს და ლაფის სროლას დაუწყებს ამ ამბის დამწერს, მაგრამ ავტორი ამისთვისაც მზადაა. „ესლა დამრჩენია სათქმელად, – ამბობს ავტორი, – მე მიყვილია და გათენდება თუ არა – ეგ ღმერთმა იცის.“

უნიათო, უმოქმედო, უნებისყოფო ერის მდგომარეობა უფაღს მიანდო ავტორმა, რაც იმას მოასწავებდა, რომ რწმენადაკარგულ ერს, რწმენა უნდა აღედგინა და მხოლოდ ეს გახდებოდა ერთ-ერთი საწყისი ერის გამოფხიზლებისა, ევრისცვალებისა და გაკეთილშობილებისა...

დალი სოროზინი
სიმ-ვლადიმერ კომაროვის თბილისის ფიზიკა-მათემატიკის 199-ე საჯარო სკოლის ქართული ენისა და ლიტერატურის მასწავლებელი

გამოყენებული ლიტერატურა:
1. ილია ჭავჭავაძე – ლექსები, პოემები, მოთხრობები, წერილები (ტომი IV, 1985.);
2. აკაკი ბაქრაძე – „რწმენა“ (გამომცემლობა „მერანი“, 1990.).

ინფორმაცია

მოსწავლეები ერთმანეთს სოღნაში შეეჯიბრნენ

ბათუმში საქართველოს ეროვნული ინტელექტ-ჩემპიონატის „ეტალონი 2016-2017“ ფინალური ღონისძიება გაიმართა. „ეტალონი 2016-2017“ სოციალურ-საგანმანათლებლო პროექტის „ეტალონი“ ფარგლებში იმართება და მისი ფინანსური მხარდაჭერი საქართველოს განათლებისა და მეცნიერების სამინისტროსა.

პროექტი მიზნად ისახავს: მოსწავლეებში განათლების პოპულარიზაციას, ცოდნის გაღრმავებისა და ინფორმაციის მოძიების ხელშეწყობას, დინტერესების და მოტივაციის გაზრდას; პედაგოგთა შრომის ხელშეწყობას, დაფასებას, ნიჭიერი და გამორჩეული მოსწავლეების აღმოჩენას, წარმოჩენას და ნახაღისებას.

პროექტი ხელმისაწვდომია საქართველოს ყველა სკოლის უფროსკლასელებისთვის (VIII-XI კლასები), მიმდინარეობს ორ ეტაპად: პირველი ეტაპი – ტესტირებები სკოლებში, სპეციალური ვებპორტალის მეშვეობით, რომლის შედეგადაც ირჩევა მეორე ეტაპზე გადასულ მოსწავლეთა ვინაობა. მეორე ეტაპზე ღონისძიება-კონკურსები იმართება ადგილებზე (მუნიციპალიტეტებში და თვითმმართველ ქალაქებში), ცალ-ცალკე. მეორე ეტაპზე გადასული მოსწავლეები, ე.წ. ლაივ რეჟიმში, ეჯიბრებიან ერთმანეთს და ვლინდება გამარჯვებული – მუნიციპალიტეტის ან ქალაქის/რაიონის „ეტალონი მოსწავლე“.

2016-2017 სასწავლო წლის ინტელექტ-ჩემპიონატი 2016 წლის ოქტომბრიდან მიმდინარეობდა და ბათუმში გრანდიოზული ფინალით დასრულდა. „საქართველოს ეტალონი მოსწავლე“ გახდა ლაილაშის სკოლის მოსწავლე ვახტანგ ჩაჩხიანი.

ფინალურ ღონისძიება-კონკურსში მონაწილეობდა 83 „ეტალონი მოსწავლე“, რომლებმაც საკუთარი მუნიციპალიტეტები/თვითმმართველი ქალაქები წარმოადგინეს: ქალაქ თბილისის 10 რაიონი, აფხაზეთის ა/რ სკოლები და აჭარის (ზემო აფხაზეთის) მუნიციპალიტეტი – მათ შორის გამოვლინდა 2016-2017 სასწავლო წლის „საქართველოს ეტალონი მოსწავლე“.

საყურადღებო სტატისტიკა: 2016 წლის ოქტომბრიდან, საქართველოს ეროვნულ ინტელექტ-ჩემპიონატში ჩართული სკოლების რაოდენობა შეადგენს 1 833 სკოლას (პროექტში ჩართვის შესაძლებლობის მქონე სკოლების 96,4%), პროექტში ჩართულ მოსწავლეთა რაოდენობა შეადგენს 39 416 მოსწავლეს, მეორე ეტაპზე გადასული მოსწავლეთა რაოდენობა 5 475. ღონისძიებებზე დასმრე გულშემატკივართა და პირდაპირ დაინტერესებულ პირთა რაოდენობა – 157 664 ადამიანი.

საქართველოს ეროვნული ინტელექტ-ჩემპიონატის „ეტალონი 2016-2017“ ფინალურ ღონისძიებას, მონაწილეებთან და ორგანიზატორებთან ერთად, პროექტის მხარდაჭერები და გულშემატკივრები ესწრებოდნენ.

ლია გიგაური, განათლებისა და მეცნიერების მინისტრის მოადგილე: „ძალიან მიხარია, დარბაზში ამდენ „საქართველოს ეტალონი“ რომ გხვდეთ. მიხარია, როგორც საქართველოს ერთ-ერთ რიგით მოქალაქეს, რომ ჩვენ გვყავს ამდენი ახალგაზრდა „ეტალონი“, საუკეთესო მოსწავლე, რომლებზეც უნდა გააკეთონ სწორება სხვა ბავშვებმა ცოდნით, მონდომებით, ერთობაშიაში, შრომით. როგორც განათლებისა და მეცნიერების სამინისტროს წარმომადგენელი, ვამაყობ, რომ ჩვენ, სამინისტრომ, მთავრობის დაფინანსებით, მოვახერხეთ, რომ ისეთი პროექტი, როგორც არის ინტელექტის ჩემპიონატი, დაგვეფინანსებინა და დღეს თქვენ გქონოდათ საშუალება, დასწრებოდით ამ საზეიმო ღონისძიებას, ყველას ერთად გეზეიმათ ეს გამარჯვება, რომელსაც მქვია ცოდნის ეტალონად ქცევა. ამაში ძალიან დიდი როლი მიუძღვის, რა თქმა უნდა, ბატონ გოჩა ტყემელაშვილს, რომელმაც ეს იდეა მოიტანა ჩვენამდე, განავითარა და მთელი ამ პროცესების განმავლობაში, რომელიც რაიონებში მიმდინარეობდა, ერთობაშიაში და მონდომება არ დაუკლია ამ საქმის ბოლომდე მისაყვანად. გილოცავთ, როგორც მინისტრის და პირადად ჩემი სახელით, ასევე მთლიანად განათლებისა და მეცნიერების სამინისტროს სახელით. ცოდნა ეტალონია. ცოდნით მიღებული წარმატება ყველაზე დიდი ბედნიერებაა. კიდევ უფრო მეტ წარმატებას გისურვებთ პროექტის მონაწილეებს.

მინდა დაიმახსოვროთ ეს სახეები, რომლებიც სცენაზე არი-



ან, ეს არის მომავალი, ძლიერი საქართველო. რა ხდება დღეს საქართველოს სკოლებში? – ხშირად სვამენ ამ შეკითხვას. აი, ეს ხდება, ჩვენ მომავლის ადამიანურ კაპიტალს ვქმნით. ყველას გილოცავთ, იმიტომ რომ, ამ გამარჯვებაში თითოეული თქვენგანის – ბავშვების, მშობლების, სკოლების დირექტორების, მასწავლებლების, მხარდაჭერების – წვლილია.“

საქართველოს ეროვნული ინტელექტ-ჩემპიონატის „ეტალონი 2016-2017“ ფინალურ ღონისძიებაში 83 მოსწავლე მონაწილეობდა. გამარჯვებულთა გამოცხადების და დაჯილდოების ცერემონია სწორედ 83-ე მონაწილის დაჯილდოებით დაიწყო. „ნელს ჩვენ დაეუშეთ 83-ე მონაწილე – მიხეილ პაპუნძი“, გიორგი ერმაკოვის თხოვნით და ბათუმელების შუამდგომლობით. ჩემმა მეგობარმა, თანამოაზრემ, ფოთში მოღვაწე ბიზნესმენმა დავით დანელიამ გადაწყვიტა, ის დაეჯილდოებინა, რა ადგილიც არ უნდა დაეკავებინა და მას საკმაოდ სოლიდური პრემია გადაეცა, რომ ისწავლოს. გიორგი ერმაკოვმა მიხეილს სპეციალური ნივთი გადასცა საჩუქრად.“ – გამოაცხადა გოჩა ტყემელაშვილმა.

ფინალური კონკურსის საპრიზო ადგილების მფლობელებს გადაეცა ფულადი პრიზები და საჩუქრები. ადგილები ასე გადანაწილდა:

- ❖ საპატიო მე-9 ადგილი – ჩხორიძე, კირიციანი საჯარო სკოლის მეათეკლასელი მარიამ სოსელია, დიპლომი და 1000-ლარიანი პრემია (დაანესა დეპუტატმა მესტიიდან, ვიქტორ ჯაფარიძემ), დააგროვა 85 ქულა – 65 წამში;
- ❖ საპატიო მე-8 ადგილი – თბილისის 83-ე საჯარო სკოლის მეთერთმეტეკლასელი ნათია ფანცულაია, დიპლომი და 1000-ლარიანი პრემია (დაანესა თელავის მაჟორიტარმა დეპუტატმა გელა სამხარაულმა), 85 ქულა – 58 წამში;
- ❖ საპატიო მე-7 ადგილი – ლანჩხუთის მე-2 საჯარო სკოლის მეათეკლასელი სალომე ჩიკაშუა, 1000-ლარიანი პრემია (დაანესა „კულამ“) 85 ქულა – 54 წამში;
- ❖ საპატიო მე-6 ადგილი – სენაკი, რეზი ხურცია, 1000-ლარიანი პრემია (დაანესა „კულამ“), 85 ქულა – 47 წამში;
- ❖ საპატიო მე-5 ადგილი – ჩოხატაურის პირველი საჯარო სკოლის მეთერთმეტეკლასელი გივი მდინარაძე, 1000-ლარიანი პრემია (დაანესა „ახალმა ნათებამ“), 87 ქულა;

❖ საპატიო მე-4 ადგილი – ზესტაფონი, კერძო სკოლა „ანაბასისი“, ლუკა სამხარაძე, 1000-ლარიანი პრემია (დაანესა „ახალმა ნათებამ“), 89 ქულა – 126 წამში;

პრიზიორთა პირველი სამეული ასე გამოიყურება:

❖ მე-3 ადგილი – შოთა ჩახუნაშვილი, ვანი, ზედავანის საჯარო სკოლის მეცხრეკლასელი; დიპლომი გადასცა დეპუტატმა კობა ლურსმანაშვილმა, განათლებისა და მეცნიერების სამინისტროს საჩუქარი – კომპიუტერის 500-ლარიანი ვაუჩერი – განათლების სამინისტროს წარმომადგენელმა, ია ვახტანგივილიმ; კომპანიამ „გზა“ – 4000 ათასი ლარი; 90 ქულა – 93 წამში;

❖ მე-2 ადგილი – სოფო ყარალაშვილი, სიღნაღი, საქობიოს საჯარო სკოლის მეთერთმეტეკლასელი; დიპლომი გადასცა დეპუტატმა კობა ლურსმანაშვილმა, სპეციალური დიპლომი, სპეციალური საჩუქარი და ვაუჩერი – განათლების სამინისტროს წარმომადგენელმა, ქეთი გრიგოლიამ; კომპანიამ „ბათმ-შენი 2007“ – 6000 ლარი; 90 ქულა – 74 წამში;

❖ პირველი ადგილი – ვახტანგ ჩაჩხიანი, ცაგერი, ლაილაშის საჯარო სკოლის მეთერთმეტეკლასელი; განათლებისა და მეცნიერების სამინისტროსგან – 1000-ლარიანი ვაუჩერი და სპეციალური პრიზი გადასცა განათლებისა და მეცნიერების მინისტრის მოადგილემ, ლია გიგაურმა, დიპლომი გადასცა დეპუტატმა კობა ლურსმანაშვილმა, კომპანიებმა – „ანავი“ და „ორბი“ – 5000-5000 ლარი; 90 ქულა – 72 წამში.

გიორგი ერმაკოვი, ბათუმის მერი: „მოგესალმებით ყველას, ბათუმელებს, ჩვენს სტუმრებს. მინდა ყველა მონაწილეს, ბატონი გოჩას ხელმძღვანელობით, დიდი მადლობა გადაუხადო, რომ მოგვცა საშუალება, დღევანდელი დღე, ეს ფინალური კონკურსი ჩატარებულიყო ბათუმში. რატომ მივიღეთ ეს გადაწყვეტილება, ბატონ გოჩასთან ერთობლივად? იმიტომ, რომ შარშანდელი კონკურსის გამარჯვებული ჩვენი რეგიონის მკვიდრი, ქობულეთელი მოსწავლე იყო, ამიტომ გადავწყვიტეთ ფინალური შეხვედრა ბათუმში ჩატარებულიყო. ჩემი აზრით, სწორი გადაწყვეტილება მივიღეთ, ამისთვის მადლობა მინდა გადავუხადო ბათუმის საკრებულოს, რომელმაც მხარი დაგვიჭირა და ამ პროექტს მისცა საშუალება, განხორციელებულიყო. მინდა ბატონ გოჩას გადავუხადო დიდი მადლობა არაჩვეულებრივი ორგანიზებისათვის. რაც ყველაზე მთავარია, იმ კარგ ადამიანებს, იმ გულშემატკივრებს, ვინც ამ პროექტს გვერდით დაუდგა და ასეთი უამრავია, მაგრამ განსაკუთრებით გამოვყოფ იმ ადამიანებსა და იმ კომპანიებს, ვინც მხარი დაგვიჭირა, კეთილი ნება გამოხატა და ამ არაჩვეულებრივი პრიზიორებისთვის – პირველი, მეორე და მესამე ადგილების მფლობელებისათვის – ფულადი ჯილდოები დაანესა. მინდა, ასევე მადლობა გადავუხადო მასწავლებლებს, ვინც ეს ცოდნა შესძინა ბავშვებს, ვინც დაეხმარა მათ ამ ცოდნის მოპოვებაში. დღევანდელ დღეს გამარჯვებული მხოლოდ პირველი, მეორე და მესამე ადგილებზე გასული არ არის, ყველა გამარჯვებულია, იმდენად კარგი და არაჩვეულებრივი პროექტია.“

ვახტანგ ჩაჩხიანი, „საქართველოს ეტალონი მოსწავლე“: „მადლობა ასეთი კარგი პროექტის განხორციელებისთვის. მინდა მადლობა გადავუხადო იმ ადამიანებს, ვინც გვერდში მედგნენ, ვინც დამეხმარა გამარჯვების მოპოვებაში.“

სოფო ყარალაშვილი: „დიდი მადლობა ყველას, დამსწრე საზოგადოებას, ჩვენს გულშემატკივრებს, ასევე მათ, ვინც გავვილამაზეს ეს დღე. ძალიან საპასუხისმგებლოა ჩემთვის მეორე ადგილის დაკავება.“

გოჩა ტყემელაშვილი: „არაფერი შემთხვევით არ ხდება. დღეს მე უბედნიერესი ადამიანი ვარ იმიტომ, რომ თქვენ მყავხართ გვერდით. ყოველ დამე, როცა ვიძინებ და ჩემს ქვეყანაზე ვფიქრობ, თითოეული თქვენგანის თვალები მესიზმრება და თქვენ გხედავთ. ეს არც პოლიტიკური და არც სახელმწიფოებრივი გამოსვლაა, ეს მამულიშვილური გამოსვლაა. იცოდეთ, ჩემი სხეულით, სულით ბოლომდე ვიხარავები იმისთვის, რომ თქვენ ეს დღესასწაული მოგიხსნათ. გილოცავთ დღევანდელ დღეს. ყველაფერი უფლის ნებაა.“



